

Der. Kl. 356

Ms.

VII. N. 881.

3

SECUNDA
SACR. INSTITUTIONUM
EXERCITATIO
DE
SOCIETATIBUS
HERILI, CONJUGALI
ET PATERNA
QVAM
DIVINA ADSISTENTE GRATIA
SUB PRÆSIDIO
NOBILISSIMI, AMPLISSIMI. ATQVE
CONSULTISSIMMI VIRI

Dn. GEORGII ENGELBRECHTI
J. U. D. ac Profess. Fubl. Ordin. ut & Facul-
tatis Juridicæ hodiè spectabilis Decani Præ-
ceptoris æternum devenerandi.

Publicæ disquisitioni submittebat
IN JULEO MAJORI

DIE AUGUSTI

AUGUSTUS RUDOLPHUS LUNING
Gvelpherbytanus.

• 6 (o) 80 •
HELMESTADII,
Typis HENRICI DAVIDIS MULLERI Acad. Typ.
M DC LXXIX.

SACR. INSTITUTIONUM
EXERCITATIO
DE
SOCIETATIBUS
HERILLI CONVENTU
ET PATERNA
DIVINA ADISTENTIA GRATIA
Sua Presepio
Naturam amorem etiam
concentratur etiam
Dr. GEO R. G. ENGER BRECHT
J. D. ac Proleg. Trop. Oglia. ac Gebr.
Casimiri poeg. Cogapilia Decas. Pte.
Gesetzliche gesetze
Lepidus alaudinae
In dñe mato
Dr. Agnata
Augustus undotius Lening
Catechoplaun
ab
Thibetensis Davidis Mellei Acad. T
W. H. Lexie

I. N. J. C.

THEISIS I.

Um de natura finis sit, ut non sit frustra, r. 2. §. 12.
nec Jurisprudentiæ finis, quæ fuit Justitia,
talis erit; si non frustra, omnino introdu-
cenda in aliquod subjectum est, quod ipsum,
ut pateat, percurrendæ sunt res omnes. Illæ
autem sunt vel corporeæ vel incorporeæ. Res incorporeæ
sunt Deus, quia vero ille est ipsa justitia, de eo ejusmodi
quid quærere æque impium ac supervacuum esset, & An-
geli: hi sunt iterum vel boni vel mali, in malos Justitia in-
troduci nequit, illi enim propter suam malitiam, eam non
recipiunt, neque angeli boni opus habent, ut habitu illo
Justitiæ imbuantur, quia hic ejusmodi quærimus subje-
ctum, quod vivit in societate civili. Angeli vero boni
non degunt inter homines. E. etiam non possunt esse Ju-
stitiæ subjectum: sequuntur jam res corporeæ, quæ sunt vel
animatæ vel inanimatæ; posteriores cum careant ratione,
non sunt capaces habitus illius, de quo nobis hic sermo est.
x veluti messe
Animatæ sunt rursus variij generis. (1) enim sunt vegetan-
tes. (2) sensitivæ, (3) rationales; duæ priores rursus non
recipiunt justitiam, quia itidem rationis non sunt partici-
pes; restant itaque rationales, quæ nihil aliud sunt, quam
ipsi homines ac personæ, de quibus Imperator in §. 22. lo. *Sunt per-*
quitur jung. l. 1. ff. de stat. hom. illæ igitur sunt subjectum *sonæ*
justitiæ,

Objectum **Justitiae**, quod quærimus. Ad objectum vero Juris refert
res Imperator res, ex hac forsan ratione, quia omne jus con-
sistit in medio quod medium duo habet extrema *Arist.*
L. 2. Ethic. c. 6. excessum scil. & defectum, quæ duo extrema
constituunt res, inter quas justitia tanquam medium in-
Media,
actiones.
terjacet, accedit, quod justitia sit æqualitas, cum vero nul-
la æqualitas absque rebus consistere poscit, necessario ju-
ris prudentia res pertractare debet. De actionibus vero
ideo agit jurisprudentia, quia sunt media, quibus ad fi-
nem jurisprudentiæ, h. e. justitiam commodè perve-
nitur. In omni enim disciplina practica, primum de fine,
deinde de subjecto, demum de mediis ad finem ducen-
tibus, agendum est: quia vero in antecedenti dissertatio-
ne demonstratum fuit, jurisprudentiam esse disciplinam
practicam, Imperator de hisce tribus in Institutis jure me-
ritoque agit; quando igitur inæqualitas adest, tum statim
adest injuria, ex qua deinde oriuntur querelæ. Jam a-
ctiones nihil aliud sunt quam ejusmodi querelæ, de inju-
ria alicui illata apud competentem Magistratum institutæ,
quæ definitio licet non quoad verba, tamen quoad sensum
& effectum coincidit cum illa, quæ habetur in *proœ-
mio Inst. de actione*: Ideò vero Imperator (1) agit de per-
sonis, quia omnes res sunt propter personas & homines.
L. 2. ff. de stat. homin. Quæc: v. disciplina res considerat
propter personas, in illa debet præmitti tractatus personarum.
Atque Jurisprud. est talis disciplina quæ
considerat res propter personas, E. in illa debet præ-
mitti tractatus personarum. Personæ v. illæ sunt con-
siderandæ quatenus in societate degunt. Jam societas,
de qua in Jure agitur, est præcipue triplex, Herilis, Pa-
ernæ & Conjugalis, quo etiam quodammodo referimus
socie.

societates inter pupilos & tutores, imo etiam minores si-
milesque personas ac curatores intercedentes: non enim
sunt absimiles societati paternæ. In singulis societati-
bus tria sunt attendenda (1) quomodo ineantur (2) quo-
modo conserventur (3) quomodo dissolvantur.

II.

Hem Diximus personas in jure considerari quatenus in Tit. 3. init.
societate vivunt, statim itaque Imperator incipit agere hoc
t. de prima societate, quæ est inter Dominum & servum,
ubi (1) divisionem affert, secundum quam omnes omni-
no homines, & per consequens in societate herili vi-
ventes dividi possunt, nempe in liberos & servos, init.
bic l. 3. ff. de stat. hom. Ut v. accurate scire atque cogno- §. 1.
scere possumus, quinam homines sint liberi quinam ser-
vi, definitionem & libertatis & servitutis recte intelligere
ac nosse debemus: hinc utramque in §. 1. & 2. subjun-
xit, & quidem libertas describitur, quod sit *naturalis*
facultas ejus, quod cuique facere libet, nisi si quid *vi aut* ^{descriptio}
jure prohibetur §. 1. b. t. l. 4. init. ff. de stat. hom. (1) dicitur
naturalis facultas ejus, quod cuique facere libet: natura n.
vult, ut omnes homines sint liberi, non v. ut sub alterius
servitutis jugo vivant. Et ita libertas omnibus ho-
minibus quasi annascitur. Quod etiam videre est in ipsis
animalibus, atque feris bestiis, nam & illa naturæ in-
stinctu omni cura ac studio id faciunt, ut in libertate sua
naturali maneant ac vagentur. Hinc videntes homi-
nem, aufugint, metuentes, ne ab illo capiantur,
suaque libertate naturali exuantur. Accidit qui-
dem, ut interdum natura videatur nolle hunc l. illum
procreare liberum, qui scilicet propter imperfectum ra-
tionis usum sibi ipsi consilere nequit, sed hoc ipsum non
est imputandum naturæ, utpote, quæ semper intendit li-
bertatem

licet interdum hoc suo sine excidat. vid. Arist. lib. I. Polit. c. 4. p. m. 20. verb. ι δὲ Φύσις βάλεται τέτο ποίησιν, πολλάκις ψεύτησις απότατη, Natura vult quidem hoc efficere, sāpe non tamē valet. Secundo dicitur, nisi si quid vi aut jure prohibetur. Libertas sc̄ est potestas vivendi atque faciendi pro libitu, quicquid velis, modo illam libertatem non restringat vel lex vel externum aliquid cogens; legibus enim est obediendum, vi vero resisti non potest. Quemadmodum enim leges civiles, juri naturae aliquid addere vel detrahere possunt, l. 6. ff. de just. & jure, ita etiam tam Jus Naturae, Gentium, quam Civile, libertatem naturalem, circumstantiis sic exigentibus, coarctare recte potest. Interim tamen dum cives legibus obediunt, libertatem suam minimē amittunt, cum is, qui contra legem agit, non utatur sua libertate, sed potius abutatur, & licentiam committat. Externa verò vi exercitium libertatis tantum suspenditur.

III.

§. 2. 3.

Exposita hoc modo libertatis natura, facile erit in ipsam servitutis indolem ac essentiam inquirere. Servitus vero est constitutio Juriis Gentium, qua quis dominio alieno contra naturam subjicitur l. 4. §. 1. ff. de stat. hom. Colligere licet, ex hac descriptione, quod servitus natales suos debet Juri Gentium, deinde etiam Jure Civili recepta & approbata sit. Origo vero servitutis legalis, quam Imperator describit, hæc est. Olim quando Romani bella gerebant & ex hostibus captivos abducebant, liberum erat ipsis, captivos vel jure belli occidere, aut eorum vitam servare. Quod si posterius eligerent, captivi in servitutem redigebantur, eamque potestatem victor consequebatur, pro præmio vita servatæ, cum illi, qui ex clade belli superstites in ejus manu

servitus
legalis.

nus pervenirent, ipsius humanitate servarentur, unde etiam servi dicti sunt à servando. l. 4. §. 2. ff. de stat. hom. & in §. 3. hic idque Juri Gent. videtur conveniens, nec ratione aduersatur. Quando enim populi ob defectum judiciorum, inter se bellum inire coguntur, per inductionem belli quasi contrahunt, ut, dissoluta jam societate, alteri in alterum lædendi & per consequens victos interficiendi, vel ob vitam donatam in servitutem redigendi facultas concedatur. Hug. Grotius de Jure B. & P. l. 3. c. 4. th. 5. & seqq. jung. Dn. Felden. in notat. ad Grot. b. cap. §. 3. Servi etiam vocantur mancipia, ideo, quod ab hostibus manu capiantur. Hodie vero hostes capti non statim in servitutem rediguntur, sed disting. est inter bella, aut Christiani cum Barbaris ac Turcis, aut inter se bella gerunt: si prius, adhuc hodie locum habet servitus antiqua, quo sc. Turcae avocentur ab intolerabili illa crudelitate, qua solent excipere Christianos captivos. Recess. Imp. de anno 1542. §. Und wie woll nun 11. Si posterius tum non locum habet servilis; quia Christiani ab omnis caritatis commendatore uti eleganter Grotius loquitur, rectius instituti sunt, aut esse debent, quam ut à misericordia hominibus interficiendis abduci nequeant, nisi minoris saevitiae concession. Hug. Grot. lib. 3. cap. 7. thes. 9. & cap. 21. thes. 25. & 28. Verum captivi certo pretio sese redimere, aut inter sese permutari solent. Lytron vero, si captivi sunt milites gregarii, pertinet ad capientem, si vero sunt Duces & Praefecti militares pertinet ad eum, cuius nomine bellum geritur & ad ipsum Imperitorem bellicum. Ulti hæc constituta sunt in der Reuterbestallung zu Speyr de anno 1570. art. 94. & 95. Verum hodie singularum gentium jura bellica consolenda - nroint emjor de spibl. obv. e. in modum m. o. omi sunt alii

Sunt, præsertim, cum & peculiares conventiones inter partes belligerantes, teste experientia, hac de re sæpius ineantur, & vocantur ejusmodi pacta germanicè Kartelle; in gregario milite capto inter multas gentes Lytron das Lösegeld oder Rançon menstruum salariū esse consuevit. Et solent captivi tamdiu detineri donec lytron solvatur. Nisi forte sub jura toria cautione veletiam nuda promissione, si captivi forsitan sint personæ eximiæ dignitatis auf Cavalrische parole citius dimittantur vid. Hug. Grot. de Jure B. & P. l. 3. c. 7. tb. 9. Job. Philipp. in usu pr. Inst. Justin. l. 1. tit. 5. §. 9. Ecclog. 37' n. 1. usq; ad §. Grotius d. lib. 3. c. 14. tb. 9. Additio. Spedelii ad vocab. Rançon apud Besoldum & licet dimissus ante solutionem lytri moriatur, tamen ejus hæredes ad promissum pretium persolvendum obligati manent, quia est obligatio ex negotio contractui simili, non vero ex delicto descendens, adeoque eriam in hæredes passiæ transit H. Grot. d. l. 3. cap. 22. tb. 20. & potest illud jus exigendi pretium redemptio-
nis à capto, ab eo, qui captum tenet, in alium transferri: cum & incorporealia cedi, & alienari, natura patitur. Grotius d. c. in thes. 25. Durum vero videtur quod hic dicitur servitutem esse contranaturam hac enim ratione prore injus-
tissima habendæ eset; sed sciendum est, quod servitus absolute loquendo, & in se ac simpliciter non sit contra naturam id est contra rectam rationem, sed tantum ex accidenti, quando sc. is, qui in bello capitur, est pruden-
tior ipso viatore, tunc enim videtur ordo naturæ in-
verti, qui vult, ut prudentior regat imprudentiorem, adeoque rectè dicitur servitutem esse duplē Legalem & Na-
turalem. Aristoteles l. 1. pol. c. 3. & 4. de priori, jam dicta sunt intelligenda, posterioris fundamentum in sequentibus cōsistit. Omni homini à Deo indita est anima rationa-
lis

Servitus
naturalis.

lis; quæ illi non frustra data, sed propter aliquem finem: finis ejus jam hic est, ut homo vivat secundum rectam rationem, atque honestatem; ut virtutes sectetur, vitia vero fugiat; eumque in finem intellectus & ratio corpori heriliter, appetitui vero, quemadmodum præceptor suo discipulo civili & regio imperio præst & imperat. Jam in quibusdam hominibus etiam perfectæ æratis cessat ratio nusus, suntque ita stupidi, ut neque semetipos regere, neque rebus suis consulere queant. Hi itaque ab aliis prudentioribus sunt ducendi atque regendi, quibus pro hoc beneficio correctionis ac educationis, si aliud nihil habeant, corpore servire tenentur, atque hi dicuntur servi *natura* vid.

Aristoteles *I. Polit. c. 3.*

IV.

Societas Herilis duobus modis initur, vel Jure Gentium vel Jure Civili *l. 5. ff. de stat. hom.* Ex Jure Gentium duo oriuntur modi, primus modus est *Nativitas*; nam qui ex ancilla nascitur, ille fit servus, qui enim nascitur extra matrimonium legitimum, qualis etiam est conjunctio servi & ancillæ, quæ Jure Romano non matrimonium, sed contubernium vocabatur. *l. 14. §. 3. in verbo quæ in contuberno patris fuerit, ff. de ritu nupt.* matris non vero patris conditionem sequitur. *l. 24. de stat. hom. l. 5. ff. eod.* Secundus modus est *Captivitas*, de qua in thesi antecedenti dictum fuit. Ex Jure vero civili rursus varii desumuntur modi. (1) *Venundatio* sui ipsius pro servo *§. 4. b. l. 5. §. 1. ff. de stat. hom.* quod siebat in pœnam contentæ libertatis. Hæc autem concurrere debebant ad illam venditionem (1) is qui suam libertatem vendebat, xx. annos debebat natus esse, (2) debebat aliquid participare ex pretio (3) gnarus esse suæ conditionis, & emptor (4) debebat ignorare conditionem

§. 4.
Modi in-
eundæ so-
cietas he-
rilis Juris
Gentium.

Juris Ci-
viles.

riem sese vendentis, quod sc. esset liber homo, alias venditio erat nulla: liberi enim hominis aestimatio & commercium non est. l. 3. ff. si quadrup. pauper. fec. dicatur. l. 4. 5. 6. ff. de contrab. empt. vendit. Secundus modus est *Atrocity sententiae*, quando enim quis capitale commiserat delictum, is à tempore condemnationis factæ siebat servus poenæ §. 1. *infra decap. minutis*. Quæ servitus poenæ inter alios hunc insignem effectum habebat, ut à tempore condemnationis factæ ejusmodi servi de bonis suis disponere non valerent, sed ea fisco cederent l. 8. §. fin. l. 13. §. ult. ff. qui testam. facere possunt; verum Jure Novellarum servitus poenæ est sublata. *Novell.* 22. c. 8. Tertius modus oriebatur ex *ingrato animo* liberti erga suum patronum. Quartus est, quando aliqua mulier *libera sese commiscebatur* cum servo, illa siebat serva per tit. l. 3. l. 3. *Inst.* Inter servos vero nulla datur differentia, omnes enim servi sunt ejusdem & servilis conditionis, differunt tantum nomine & ministeriis quæ præstare tenentur. *Homines vero liberi dividuntur in ingenuos & libertinos*, de quibus in seqq.

V.

T. IV.
Ingenuus,
*rei. Ingenui
re. Genuit
re. Genuit
re. Genuit
re. Genuit*

Ingenuus ille dicitur, qui statim, cum nascitur, liber est, nec post nativitatem demum libertatem consequitur. Talis vero est is, (1) qui ex duobus ingenuis, (2) ex duabus libertinis, (3) ex libertino & ingenua, (4) ex matre libera, patre in cetro nascitur. Nam quantum ad libertatem etiam attinet, partus ventrem sive matrem sequitur. l. 5. §. 2. *ingenui. ff. de stat. bom. l. 7. C. de rei vindicat. l. 19. l. 24. ff. de stat. bom.* Sufficit autem matrem liberam fuisse, vel tempore conceptionis, vel gestationis in utero, vel tempore nativitatis, ita, ut licet mater libera conceperit, & ancilla facta pariat, tamen qui nascitur, liber sit: quoties enim de commodo partus

tus agitur, toties ille, qui in utero est, pro jam nato habetur l.7. ff. de stat. hom. nec matris calamitas debet nocere ei, qui est in utero, init. hic, l. 5. §. 2. ff. de stat. hom. hinc multa in favorem ejus constituta, qui adhuc in utero existit. Sic mulier prægnans, quæ propter grave delictum torturæ est subjicienda, hoc habet privilegium, ut non prius de illa possit quæstio haberi, quam si ediderit partum, & post editum partum executio tam torturæ quā pœnarum, præcipue si sit capitalis, & corporis afflictiva, differenda est adhuc per sex hebdomadas. l.18. ff. de stat. hom. l. 3. ff. de pœnis. ne innocens partus cum nocenti matre extinguitur & pereat. Et alieno odio nemo, nequaquam autem infantes & pueri, in quibus nulla culpa deprehenditur, prægravandi sunt. l. pen. in fin. ff. de fideicomiss. libert. l. 33. C. de inofficio. testam. l. 26. ff. de pœn. l. 22. C. eod. cap. 22. de reg. Jur. in 6to. Christoph. Philip. Richter decis. 7. n. 1. & seqq. Unde etiam pœna fustigationis post partum editum, licet sex hebdomadæ jam tum præterfluxerint, ita temperanda est, ne partui alimenta detrahantur. Carpz. in prax. crimin. p.3. q.37. n.23. Richter decis. 7. n. 4. & seq. satis de ingenuis.

VI.

Libertini dicuntur illi, qui cum potestati Dominorum essent subjecti, libertate donati, & ex justa servitute manumissi sunt. Est vero manumissio de manu datio; quamdiu enim servi in servitute erant, manui ac potestati suorum dominorum erant subjecti; quando vero ex servitute dimittabantur, dominus ipsos quasi è manu sua ac potestate emittebat. Modi manumittendi sunt varii, aut enim servi mandumittuntur *volentibus* Dominis: aut *in uitio*. Sic *volentibus*, tum ille consensus est duplex: vel expressus vel tacitus; Expressus potest declarari verbis vel ore prolatis, vel in

B 2

scriptu-

nde non E. nipi
tio nec i. p.
gattonis p. 11. in
902 similiter d. 10.
T. v. relevatio
int. ab a. 20.

scripturam redactis; Expressè consentiebant Domini (1) per vindictam. Erat autem vindicta virgula, qua Dominus vel prætor nomine Domini præmissis verbis solemnibus servi caput aliquoties percuriebat, dicens: Ajo te esse liberum, & mox Dominus apprehensum manu dextera coram prætore vertebat, & sic circumactum dimittebat. Vestigium hujus rei videtur adhuc superesse in ironiis nonnullorum artificum, qui hodie non nisi certis ritibus adhibitis ex annis tirocinii dimittuntur (2) servi manumitcebantur coram Magistratu, eique Dominus declarabat, se servum suum manumittere velle, quain declarationem Magistratus ad acta referre solebat (3) in Ecclesiis sub aspectu plebis. (4) extra Judicinum inter amicos, quo casu quinque testes adhibebantur, aut eo nomine conficiebatur scriptura *l. unic. C. de lat. lib. toll.* (5) in testamento vel in alia ultima voluntate testator servo libertatem relinquere poterat, *tot. tit. C. de test. manumiss. &c. instit. C. quibus ex caus. serv.* Aut porro Dominus servum tacite manumittebat, (1) per adoptionem *l. unic. §. 10. C. de lat. lib.* (2) si servo permittebat nuptias cum filia contrahere. Aut demum *invitis Dominis* servi fiebant liberi, (1) si beneficium singulare reip. præstiterant. v. g. fortiter pro patria pugnantes, aut adulteratores monetæ detegentes *l. 2. C. pro quibus causis serv. prop्रem.* adeò jam tum è tempore hoc summe perniciosum reip. crimen Romanis exosum fuit. (2) Quando dominus ob infirmitatem corporis servum deserebat. *l. 2. ff. qui sine manumiss. ad libert. perven. l. unic. §. 3. C. de latin. lib. toll.* (3) propter nimiam saevitiam domini bonis conditionibus servos suos vendere cogebantur. *§. 2. infr. de bis quisui l. alien. jur. sunt.*

VII.Cir-

VII.

Circumstantiam loci & temporis quod attinet, propter favorem libertatis quolibet tempore & loco honesto, die etiam feriato, nefasto & extrajudiciali manumissio fieri poterat *l. 2. de serv.* tum propter favorem negotii, uti dictum; tum etiam quia inter consentientes apud magistratum saepius fieri solebat, & sic erat actus voluntariæ jurisdictionis. Olim autem erant tria genera libertinorum, quidam Romani cives, quidam Latini, quidam dedititii, Justinianus vero reliquis duabus speciebus sublati unum tantum genus libertinorum constituit, nempe Cives Romanos *l. unic. C. de Lat. lib. toll.* Imò postea jure Novelarum etiam differentiam inter in genuos & libertos sustulit, nisi quod ingenui liberi nascerentur, liberti vero fierent manumissione ingenui, salvo tamen manente jure patronatus. Nov. 78.

§. 2.

§. 5.

IX.

Quid manumissio sit, quot modis & ubi fiat in antecedentibus vidimus, sequuntur jam personæ, quæ manumittere possunt, vel propter certas rationes simpliciter aut secundum quid prohibentur. Piores sunt domini, liberam rerum suarum administrationem habentes. Postiores sunt ii, qui alieno ære premuntur, & manumissione non fiunt solvendo. Licet enim multa in favorem libertatis concedantur. *l. 38. ff. de re judic.* dominus tamen in fraudem creditorum manumittens nihil agit, cum quod lege prohibente fit, ipso Jure nullum est *l. 5. C. de legib.* Non vero prohibetur in testamento servum suum vel cum vel sine libertate hæredem instituere, hac enim ratione jus creditorum non imminuitur, sed potius melius redditur; Cum servi hæredes instituti etiam inviti ac nolentes

T. vi.

piue.

§. 1. 2.

lentes persolvere tenebantur debita dominorum demortuorum, idque constitutum in favorem dominorum, quoniam olim, quando aliquis moriebatur, nec relinquebat tot bona, unde debita hereditaria persolvi poterant, omnia ejus bona publicè sub hasta vendebantur, ut inde creditoribus satisficeret; quæ venditio cum ignominia quadam erat conjuncta. Ad hanc vero evitandam domini mortui servos suos heredes instituebant, quo facto bona non ipsorum dominorum, sed servorum nomine vendebantur, & sic hæc ignominia non redundabat in defunctos dominos, sed in servos hæredes institutos. Inde etiam doctores argumentum desumunt & concludere volunt, quod creditoribus non liceat arrestare defuncti cadaver in ipso feretro, & quamvis in quibusdam locis ejusmodi consuetudo irrationalis obtineat, ea tamen propter jus civile, ubi illud sub gravi pœna invenitur prohibitum, non potest subsistere; Interest enim reip. cadavera defunctorum quam citissime terræ mandari, ne cadavera fœtorem excident, pestemque aliosve morbos causentur argum. l.3. §. Divus Hadr. ff. de sepulchr. viol. l. 6. C. Eod. jung. Nov. 60. cap. 1. novell. 115. cap. 5. qui contrâ faciunt, eos hæc acerba manet pœna, ut (1) amittant tertiam partem omnium suorum bonorum (2) ipsum debitum & (3) præter illud tantundem restituant hereditibus defuncti debitoris, imò (4) notentur infamia & hoc hodierna praxis secundum nonnullorum doctorum opinionem ad huc stricte observat, Carpz. in jurispr. forens. part. I. const. 30. defin. 22. Idem est constitutum in eos credidores, qui moribundi vel etiam jam tum mortui debitoris domum ingrediuntur, ejusque bonis sine decreto vel auctoritate magistratus signacula imponunt, aut ab hæredibus

redibus jure civili intra novem, jure saxonico & conſuetudine passim recepta, intra triginta dies ab obitu defuncti debitoris numerandos debita exigere haud erubescunt:
Auct. item si domum & seq. sed neque ante C. de sepulcro viol. Nov. 60. c. 1. art. 15. lib. 3. des Landrechts. Rittersbusius ad novell. parte 13. c. 6. n. 7. Matth. Coler. de proces. executiv. part. 2. c. 3. n. 337. & part. 1. decif. 70. Carpz. in jurispr. forens. part. 3. constit. 14. def. 14.

IX.

§. 3.

Duo porro conjunctim requiruntur ut quis in fraudem creditorum dicatur manumisſe. (1) ut per illam manumissionem fiat non solvendo. (2) ut adſit dolus ac animus defraudandi: ſæpe enim de facultatibus suis amplius quam in his eſt, ſperant homines; inde in fine §. 3. h. dicitur, libertatem tum demum impediri, ſi & confilio manumittentis, & ipſa re, eo quod ejus bona non ſunt ſuſfectura creditoribus, ipſi defraudentur.

X.

Minor vero ſecundum quid manumittere tantum prohibetur, à nam ſi ſequentia concurrunt, ipſi hoc eſt permiffum, (1) ſi viginti annos compleverit (2) manumittat per vindictam (3) coram Magistratum (4) ex iusta cauſa & (5) illa cauſa fuerit approbata §. 4. hic. l. 11. ff. de manumis. vindict. quænam autem ſint cauſæ justæ, appetet ex §. finali bic. l. 9. l. 11. 12. 13. 14. ff. de manum. vindict. Et eò etiam pertinet, quando dominus minor ſervum decem & ſeptem annos natum, quem vult habere procuratorem, manumittit §. 5. in fin. bic l. 13. ff. de manum. vindict. ubi cum Cujacio verba, dummodo non minor annis decem & octo ſit, explicamus de minore, qui septendecim annos complevit, & attigit annum decimum octavum, quia

quia nemo in sece potest recipere munus procuratoris ,
nisi sit homo liber. Hinc etiam haec quæstio orta est,
utrum aliquis minor, modo septendecim annos comple-
verit, possit agere procuratorem ? Et disting. inter jus
civile, Canonicum , & hodiernam praxin: Jure civili ex-
trajudicialis procurator potest constitui *dido* §. 5. *bic* §. 1.
13. ff. *de manum vindicta*. Judicialis vero non item licet
natus sit septendecim annos : nam judicium redetur
elusorium, nec sententia possit executioni mandati , sed
adversus eam restituueretur , nisi primum minori non
opponatur exceptio inhabilitatis, l. II. C. de procur. vel se-
cundo sit ejusmodi causa, ex qua non possit in integrum re-
stituti, uti est, si mandatum à majore habeat, & dominus
præstet cautionem judicatum solvit. 51. ff. *de procur.* l. 23. ff.
de minor. vel (3) patrem absentem defendat. d.l. 12. C. *bic.*
Non obstat. § 7. b. § 1. § 3. ff. *de postul.* ex quibus Doctores
nonnulli colligunt, quod minores septendecim annorum
jure civili procuratores esse possant, quia aliud est in jure ci-
vili postulare , aliud procuratorem esse, Jure vero canonico
minores xxv. annis simpliciter ab officio procuratorum
re moventur *per cap. qui generaliter* 5. *in fine de procurator.*
in sexto; quod hodierna praxis sequitur *Habnius ad tit.* ff.
de procurat. n. 4. *ad verbum*, *Aut jussum judicis?* quando au-
tem minor semel aliquem manumisit , illam manumissionem
revocare non potest, propter regulam illam vulgatam,
quod semel placuit, amplius displicere non potest, *cap. 21.*
de reg. jur. in sexto, idque etiam in favorem libertatis est
constitutum: potest etiam jure novellarum quilibet minor,
licet nondum septendecim annos impleverit, quod olim
jure civili erat necessarium §. 7. b. *in testamento ser-*
vum manumittere. *Novell.* 119. c. 2. quia de omnibus suis
bonis

§. 6.

§. 7.

sicup

bonis disponere potest , cui itaque conceditur , quod majus
est , ei etiam conceditur id , quod est minus . cap . qui licet .
§3. de reg. jur. in sexto .

XI.

Lex Fusia Caninia prohibebat dominis pro lubitu in ^{tit. ix.}
testamento servos manumittere , adeoque manumittendi
licentiam ad certum restringebat numerum , quia tamen
ea lex videbatur injusta , atque favorem libertatis immi-
nuere , ideo Imperator eandem abrogavit , nec vim legis
habere voluit tot . tit . C. de l. Fus. Caninia toll .

XII.

Postquam hactenus actum fuit de modis societatis he- ^{tit. III.}
rili , tum ineundæ tum dissolvendæ , nunc etiam confide-
randum est , quomodo hæc societas converletur , ubi
loco principii notandum , quod omnem societatem conser-
vet Jus h.e. si singulæ personæ in qualibet societate neces-
sariæ , officio suo recte fungantur , & illudagant , quod finis
ac natura cuiuslibet societatis postulat , & per consequens
in societate herili , si dominus non plus juris ac potestatis
sibi tribuat in servum , quam in legibus ipsi permittitur .
Concedunt autem leges domino , non tantum aliquod
jus in *corpus servi* , sed etiam in ejusdem *bona ac res* , in cor-
pus (1) leges Gentium jus vitæ ac necis , quia servi æqui-
parantur animantibus brutis . l. 2. §. 2. ff. ad L. Aquil . quæ
sicuti licite possunt interfici , ita etiam servi . Cum vero
hoc jus videatur esse cum maxima ^{tit.} *injustia conjunctum* ,
& cum ipso verbo Divino pugnare , Antoninus Imperator ^{s. vi.}
hanc legem sustulit , jusfitque , ne domini ultra modum in
servos suos sœvirent , adeoque non amplius haberent po-
testatem ipsis vitam adimendi , sunt enim servi homines ,
quos sine justa causa occidere , tam jus divinum quam hu-
manum

C

manum



manum sub pœna domicidii vetat. *Deuteronomio XV. vers. 17.*
Joh. c. XXXI. v. 13. §. 2. b. l. 2. §. 2. ff. ad L Jul. de sicariis.
H. Grotius. l. 3. c. 14. tb. 3. § 4. Accedit, quod servus sit instrumentum, quo dominus utitur ad vitæ alimenta sibi comparanda, eo igitur abuti non debet, cederet enim hoc ipsum in detrimentum, tum ipsius Domini, tum reip. cui expedit, ne sua re quis male utatur §. 2. b. quando itaque post constitutionem Antoninam Domini in servos suos supra modum sœviebant, poterant illi confugere; vel ad ædem sacram vel ad statuam principum, tanquam asyla.
l. unic. C. de his qui ad stat. princ. Et licet principum statuis jus asylorum postea demptum fuerit, illud tamen, sublatu etiam Paganismo, in Christianorum templis salvum & integrum permanxit. *Tit. C. de his qui ad Eccles. confug.* *Novell. 17.* adeo, ut dominis servos, nisi cum armis confugerent, inde extrahere non liceret. *l. 4. C. de his qui ad Eccles. confug.*

XIII.

Idem asylorum jus hominibus liberis ad Ecclesiam confugientibus tribuebatur; illi vel erant debitores, vel delinquentes: priores non poterant è templis extrahi, sed Magistratus illos publicè citabat, quia Ecclesia nemini, quod suum est, aufert: si comparebant, in ipsorum arbitrio erat, vel per se, vel per procuratorem coram competente Judice litem excipere; si non: in immobilia creditoribus decernebatur possessio, aut mobilia distrahebantur secundum ordinem juris & usque ad modum debiti, *l. 6. §. 3. § 4. C. qui ad Eccles. confug.* quoad delinquentes distinguebatur, aut grave aut parvum commiserant delictum, si posterius in ædibus sacris capi non poterant, sin vero prius licite capiebantur *l. 2. C. de his qui ad Eccles. confug.* *Novell. 17. c. 7. Brunneman. ad l. 2. C. qui ad Eccles. confug.*

quia

MURBON

quia templa non debent esse receptacula facinorosorum. Jure Canonico nemini licet delinquentes ex edibus sacris absque consensu Episcopi extrahere , nisi sint latrones publici. *per cap. 6. extra de immunit. Eccles. cap. 1. de homicid.* in 6to. Verum ex consuetudine tam Germaniae , quam aliorum locorum delinquentes in templis capi possunt , etiam absque venia Episcopi ; Propterea quod Prælati & Judices Ecclesiastici se valde difficiles reddant , & interea dum ab iis licentia requiritur & exspectatur , saepius delinquentes auffugiunt. Accedit quod ob multitudinem templorum malefactores facile possent evadere manus justitiae , & sic delicta manerent impunita , contra mentem eorum , qui immunitatem Ecclesiæ tribuerunt , non ut domus Dei fieret spelunca latronum , sed ut præstaretur refugium miseris , qui humana fragilitate aut casu in aliquod crimen incident. *Jul. Clarus l. 5. sentent. §. ult quæst. 30. v. scias autem.* *Prosp. Farin. in præx. crim lib. 1. tit. 4. q. 28. num. 75. Carpz.* in præx. Crim. quæst. 150. n. 41. Quod etiam legi Divinae conveniens est. *Exod 21. vers. 14. Deut. 19. vers. 11. Et seq.* *3. Reg. 2. vers. 28. Et 21. 4. Reg. 12. v. 15. Et seq.* Verum ut ad jus Dominorum in corpora servorum competens revertamur , habebant (2) potestatem modice etiam verberibus eos castigandi , non vero in illos supra modum saevendi , alias cogebantur sub bonis conditionibus servos vendere. *§. 2. b. l. 2. de bis qui sui l. alien. jur. s. jung. Hug. Grot.* l. 3. c. 14. tb. 4. (3) domini à servis operas cum modo tamen , & ut valetudinis servorum humanè heberetur ratio , exigere poterant. Nam servi quicquid erant ; illud erant dominorum gratia. *Hug. Grot. d. c. 14. th. 5.*

XIV.

Jus vero dominis in bona servorum competens in eo
C 2 consistit,

consistit, ut, quicquid servi acquirunt, dominis suis acquirant, cum servus sit instrumentum rationis particeps, separatum, domini sui gratia *Aristot. l. 1. pol. c. 3. p. m. 13. & cap. 4. p. 21.* Quaecunque vero aliquis suo acquirit instrumento, illud sibi acquirit, & per consequens etiam dominus optimo jure sibi tribuit, quae à servo acquiruntur. *§. 1. b. l. 1. §. 1. de bis qui sui l. alien. jur. sunt.* & in ejus compensationem dominus ad alimenta servo praestanda obligatus est. *H. Grot. d. c. tb. 6.* Atque ita vidimus quid sit servitus, quomodo ineatur, conservetur, dissolvatur.

XV.

Reliquum nunc est, ut videamus an materia servitutum hodie adhuc usum habeat, servi enim nostri mercenarii ab antiquis mancipiis longè differunt. Et affirmativam tueri non dubitamus, (1) quod fideles à Turcis vel aliis infidelibus capti, in durissimam servitutem redigantur, inde eorum bonis curator datur, ipsis in captivitate morientibus ea ipsa hora, qua capti sunt, mortui esse finguntur, vel ex captivitate revertentes jure postliminii hodie non minus ac olim patriam potestatem & alia jura civilia recuperent, ac si semper in civitate mansissent. Uno verbo, omnia quae in servis antiquis obtinuerunt, ea ipsa in hujusmodi captivis hodie etiamnum obtinere, multi Doctorum volunt. *Herm. Stamm. de servitio, personal. l. 1. tit. 4. num. 3. 4. 5. 6. R. A. de anno 1518. in pr. R. A. de anno 1526. 1527 R. A. de anno 1542 §. und wiewoll 11. R. A. de anno 1557. §. und man sich 42. ibi. in seine Tyrannie Gewalt und Dienstbarkeit zuzwingen & alibi passim. (2) quod jure talionis contra hujusmodi populos vera captivitate antiqua adhuc hodie utamur. *Herm. Stamm. d. c. 4. n. 1. Henric. Hahn. ad Wesenb. tit. de captiu. & de postlim. num. 1. ad verba. ac displicere domino in fine.**

(3) Quod

XVI.

(3) Quod hodie multis in locis homines propriidentur antiquis servis non absimiles, lassi dicti, German. Leib-eigne Leute / Lassen / Lathen / quia agris excolendis à victoribus relictisunt, zum Ackerbau gelassen/ vel si secundum idioma Saxonum inferiorum loqui velimus, gelathen worden / uti in Westphalia, Silesia, Polonia, Mecklenburgico Ductu, Marchia, Borussia, Geldria; qui quidem quoad statum & conditionem magna ex parte homines liberi videntur esse, sequentia tamen retinuere ex antiqua servitute (1) enim Agros, quibus sunt destinati tenentur arare, novare, iterare, iisque (2) ita adhaerent, ut nec ipsi nec ipsorum liberi domino invito ab iis unquam discedere possint, (3) à dominis vendi, locari, pignori dari possunt una cum prædio, cui destinati sunt, argum. l. 23. C. de agric. videatur Herm. Stamm. de servit. person. (4) si aufugiunt, possunt vindicari, argum. l. 13. C. de agr. Et censib. imo si à Magistratu quoipam in civitatem recipiuntur, cum omni sobole & peculio domino restituendi sunt, actione præ-judicali utili, eo nomine contra magistratum comparata. Habnus d. tit. de stat. hom. n. 5. possunt vinculis detineri, nec dominus incurrit poenam l. unic. de priv. car. arg. l. 1. C de emendat. servor. Herm. Stamm. l. 3. c. 25. (6) Domini post servorum mortem juxta diversorum locorum statuta in semissim, trientem vel quadrantem una cum liberis vel aliis heredibus succedunt, interdum jumentum vel pecudem (das beste Hauptdictum Hauptfalle) vel optimam vestem (Gewandfall) præcipiunt. Dn. frnv. in Syntagm. Jurispr. exe. 40. tb. 73. Besold. in thes. præd. voc. Lassen & Hauptrecht. (7) non sunt capaces honorum & dignitatym, nec jus ci-vitatis consequi possunt præsertim incivitat, imperialibus.

C 3

Herm.

*unde Help geady
roust faylio ywo
ex Westphalia
eady minum te
bed. zell. 1600
maz. maztig fl. 28
laſſe vici. 32*

Herm. Stamm. de serv. pers. l. 3. c. 20. n. 3. § 4. Philip. in usu
pr. l. 1. tit. 5. § 1. Ecclog. 39. nec evadere notarii vid. Ord.
Notar. de anno 1512. Init. ibi. Etliche mit Leibeigenschaft
verpflichtet § 2. In verbo Leibeigene Leute.

XVII.

Demum quoad modos manumittendi cum antiquis servis hodierni lassi convenientiunt ; Nam vel dimittuntur volentibus vel invitatis dominis : volentibus , vel expresso eorum consensu , vel tacito , prior modus dicitur manumissio , quæ fit vel gratis vel data pecunia , & vel per actum inter vivos , vel per testamentum , & dantur hodie servis eo nomine literæ , quæ vocantur dimissoriæ sive instrumenta manumissoria , German. die Lassbriefe / Schlechbrieße. Wibnerus in vocabulo Schlechbrieß. Tacite manumittuntur hodierni lassi (1) si Dominus permitta Lasso matrimonium contrahere cum persona libera (2) si lassi emant fundum , cui colendo erant destinati. (3) præscriptione , si per 10^o vel 20^o annos domino contradicente servitia sua non præstiterunt. (4) si ad aliquam dignitatem dominus servum evehi patiatur. In viuo domino propter nimiam eorum saevitiam Lassi libertatem consequuntur. Cum isti homines durioris hodie conditionis esse non debeant , quam olim servi. Gail. de Arrest. c. 8. n. 18. Husan. de prop. bomin. c. 8. n. 22. & seq. Job. Herm. Stamm. de servit. person. l. 3. c 35. num. 4. Differunt autem hodierni Lassi sive servi ab antiquis (1) quod bona propria habere possint (2) commercia exercere (3) sibi aliquid acquirere. (4) quod ipsis aliquid in testamento relinquere possit. (5) Ipsi testamentum facere queant, Dn. Struv. Syntagm. Jurispr. exerc. 40. thes. 71.

XIX. (4)

XIX.

(4) Leges de servis loquentes non raro ad res alias uti-
liter extenduntur, *Hanius ad Wesenb. tit. de stat. hom. num. 5.*
uti ad hodiernos rusticos eorumque præstationes tum re-
rum tum operarum. *Rerum*, quod alibi quotannis cer-
tam pecuniæ summam dominis persolvant. Germanice
Silberzins oder *Zinsgeld*: alibi certos modios frumento-
rum, quos vocant *Pachtkorn* / *Pachtgetreide*: alibi anseres,
gallinas, caseos, ceram & simile, hinc sunt die *Zinsküner* /
Herbstküner / *Rauhküner* / *Eherzins* / *Pfingstküsse* / *Wachs-
zins*. *Operæ* vero vel jumentis præstantur, ab iis scilicet,
quibus tantum agri concessum est, ut jumentis uti debe-
ant, & inde ea aere possint, & hæ operæ vocantur *Pflug-
Fronen* / *Fondienste* / *Wagen und Baufuhr* / *Pferde Dienste*.
Ipsi vero rustici has operas præstantes dicuntur *Anspan-
ners* / *Pferdeners* / *Hüfener*. Vel manu & corpore, quod
nimirum vel nihil vel parum agrorum habeant, ita ut ju-
menta inde ali nequeant, & dicuntur *Handfronen* / als ist
Heumachen / *Botschaft lauffen* / *Korn abmehen* / *quiffbinden*.
Ipsi vero rustici vocantur die *Köhters* / *Kotsassen*. In su-
periori etiam Saxonia *Hintersatlers* / *Handfronen* / und
Soldeners; Hisce omnibus leges de servis, eorumque ac
libertorum operis agentes, utilissimè sæpius applicantur,
attamen ex usu & cujuscunque loci consuetudine maxime
hæc omnia dijudicanda, *Schultze ad hunc tit. Habn. ad We-
senbec. tit. de oper. libert. Spedelius, Webnerus, Besoldus in vo-
cabulo Fronen jung Dn. Praeses in disputat. de operis rusticorum
von Herrendifensien.*

XIX.

Jure etiam Saxonico & Lubecensi Romanorum ser-
vorum materia aliquem adhuc usum habet, quando cre-
ditor

ditor debitorem suum , addicione judicialiter facta , wenn er den creditori Richtlich übergeben wird / hodie mancipio accipit ihn zu eigen annuntiat / nam hic adjudicatus debitor , fit (1) proprius homo creditoris , non quidem servus , sed in servitute quasi constituitur , quae specialis hic & anomala ad custodiam & operas imprimis pertinens . (2) privato carcere detinieri potest mag ihn in seinen eigenen Schlössern halten oder gesetzlich einzischen lassen / und halten als einen Schuldgefangenen / (3) talis debitor operas praestare teneatur nach seinen Herrn seine Arbeit thun / ut quando pecunia solvi nequit , operis creditoris satisfiat . lib. 3. Landrecht art. 31 . Weichbild c. 27. Mev. adjus Lubencs. l. 1. tit. 3. art. 1. n. 58. Seqq. satis de societate herili ejusque usu hodierno .

XX.

tit. ix.

Eam nunc excipit societas paterna ; quae intercedit inter patrem & liberos , eosque non tantum primi , sed etiam ulterioris gradus . Videtur quidem eadem reverentia utrique parenti . Jure Nat. deberi , Jus vero civile denegat potestatem patriam matribus , & illam tantum tribuit patri init. Et §. 3. b. §. 3. Inst. de hered. qual. Et differ. l. 7. ff. de his qui sui vel al. jur. sunt . Sunt enim liberi à suis parentibus ita educandi , ut reddantur virtuosi , & studium honestatis a primis annis amplecti discant ; ad quam educationem , cum requiratur magna prudentia , eaque videatur cessare in foeminis , ideo leges civiles potestatem tantum patri , non vero matri concederunt , inde dicta potestas patria . Mas enim quam feminina natura magis aptus ad regendum . Aristot. l. 1. Polit. c. 8. p. m. 44. Monarchice autem & regie pater liberis imperat , h. e. primario & tantum non unicè in liberorum salutem . Aristot. lib. 8. Eth. c. 10. Et l. 1. Polit. c. 8. Quod elegans societati paternæ fundamentum suppeditat .

XXI. In-

Initur vero hæc societas; (1) per legitimas nuptias,
 (2) per legitimationem, (3) per adoptionem, quibus
 hodie addi potest unio prolium, Germ. die Einkindschafft.
 Quod nuptias primum attinet, sunt illæ, uti Imperator
 loquitur, *vtri & mulieris conjunctio, individuum vite con-
 suetudinem continens* s. i. b. jung. l. i. ff. de rit. nupt. dicitur
 primum *conjunctio viri & mulieris* non vero virorum nec
 mulierum, ad indicandum, solos viros sive masculini gene-
 ris personas, non posse contrahere nuptias, cum hac ratio-
 ne finis matrimonii primarius, procreatio sc. sibolis obti-
 neri nequeat, nec etiam conjungendas solas mulieres pro-
 pter eandem rationem, multo minus homines bestiis jun-
 gendos esse, qui enim ejusmodi illicitam Venerem contra
 naturam exercent, Sodomiæ & bestialitatis crimen dicun-
 tur committere, & igni crêmio puniendi sunt. P. H. O.
 art. 116. (2) ex iisdem verbis colligitur, quod tantum
 unus vir & una uxor debeant inire matrimonium, quo
 ipso excludit & vetat Imperator polygamiam, quæ est
 duplex, *simultanea & successiva*. prior est, quando unus
 maritus vel uxor uno eodemque tempore plures uxores,
 vel maritos; Posterior, quando unus conjux plures mari-
 tos, vel uxores, diverso tamen tempore & successive ha-
 bet. Imperator tantum hic simultaneam prohibere vult,
 non vero successivam polygamiam, jung. s. 6. & 7. de nupt.
 polygamia porro simultanea iterum est duplex, aut enim
 una conjux plures maritos habet & hæc polygamiæ spe-
 cies, non tantum jure civili, sed etiam Naturæ, Divino ac
 Gentium est prohibita, nemo enim patrem posset scire, &
 quis revera sit parens necne; Aut vero unus maritus plu-
 res habet uxores, & ista non est contra Jus Naturæ, quia

Deus in antiquo testamento hoc ita permisit, ut etiam sanctissimi viri propterea divina gratia non exciderint; Uxoribus tamen in Veteri Testamento polygamia fuit interdicta. Quod postmodum in Novo Testamento iterum ad masculos extensum fuit, quippe prima conjugii institutio, id est unius maris & unius feminæ conjunctio in Novo Testamento revocata, omnisque simultanea polygamia abrogata est. *Matth. c. 9. v. 6. Marc. 10. v. 6. 1. Cor. 7. v. 2. Et 3. Carpzov. l. 2. Jurispr. Consistor. def. 3. Matth. Wesenb. in parat. ff. de Rit. nupt. num. 4. ibid. Dn. Henr. Hahn.* Porro dicitur quod matrimonium sit *conjunctio*, omnis autem conjunctio est triplices, vel animorum tantum, vel corporum tantum, vel animorum & corporum simul. Mas igitur & femina in matrimonio, non tantum animo, sed etiam corpore conjungi debent, cum alias neque amor conjugalis, neque sobolis procreatio primarius societatis conjugalis finis obtineri possit. Jure Civili quidem quoad perfectionem primam sufficit nudus conjugalis sive nuptialis consensus. *Nov. 22. c. 3.* cum consensus non concubitus faciat matrimonium perl. 30 ff. de Reg. Jur. l. 66 ff. de donat. inter vir. & uxor. l. 15 ff. de condition. Et demonstr. quoad perfectionem tamen secundam & consummationem ac implementum etiam requiritur eodem Jure Civili corporis conjunctio; Nam consensus conjugalis includit animum & votum liberos procreandi l. 220. §. 3 ff. de verb. signif. quin & deductio sponsæ in domum sponsi, quæ erat instar traditio nis & missionis in possessionem. argum. lib. C. de donat. ante nupt. l. 24. C. de nit. nuptiar. Dn. Henr. Hahn. in suis obseru. ad eund. titul. n. 5.

XXX. Ju-

XXII.

Jure vero *Canonico* requiritur (1) tamen de fideli co-habitatione, quam conjunctione corporum, Consensus, arg. *Canon. sufficiat.* 2. & cum beata *Maria* 3. causa 27. q. 2. & (2) benedictio Sacerdotalis. *Canon.* aliter 1. causa 30. quest. 5. consanguineorum 4. causa 3. quest. 4. cap. ult. extra. de clandestinis despont. Hodierna vero praxis pariter ad essentiam matrimonii solum consensum conjugalem requirit; *Ordinationes* tamen Ecclesiasticae alias adhuc solennitates ad consummationem matrimonii exigunt, & (1) quidem trinam proclamationem publicam per capit. 3. de *Clandestina desponsatione*. c. 27. extra. de *sponsal.* & *matrim.* nisi ex constitutione alicujus loci unica forsitan denuncia-tio sufficiat, uti Francof. ad Mænum. *Job. Kitzel. in synops.* *Matrim. c. 4. Theorem. 6. l. G. & b.* vel ob causas rationabi-les ex speciali dispensatione trinundinæ promulgationes, uti vocari solent, in unam contrahantur, vel unica vice unaque Dominica fiant, aut plane omittantur *Carpzov. in Jurispr. Conf. l. 2. def. 139. & 140.* Ejusmodi enim pro-clamationes Jure divino non sunt mandatae, sed Juri po-sitivo originem debent, ideoque Magistratus Ecclesiasti-cus eis derogare valet.

XXIII.

Ordinationes Ecclesiasticae (2) requirunt hodie copulationem & benedictionem sacerdotalem coram fa-cie in Ecclesia, nequaquam vero in privatis ædibus per-agendam, can. alit. 1. causa 30. quest. 5. can. consang. 4. cauf. 3. q. 4. cap. ult. extr. de clandest. despont. *Carpzov. in Jurispr. Conf. l. 2. def. 143.* nisi ex speciali dispensatione ob-justam causam copulatio in ædibus privatis permittatur, ut autem à petitione dispensationis eo magis deterreantur,

D 2

solent



solent petentes privatam Copulationem, certam pecunia
summam quasi mulctæ loco persolvere, & vocantur vulgo
die dispensation Gebühr. Carpzov. dicit loco def. 144.n. 10.
Quia vero solennitatis Ecclesiastica honestatis gratia ad-
hiberi solent, cum ad essentiam conjugii mutuus consensus
sufficiat. l. 30. ff. de Reg. Jur. inde partus ex concubitu spon-
si & sponsæ procreatus, modo ad sint sponsalia de præ-
senti, pro iusto & legitimo habetur, sive illa benedictione
sacerdotali postea consummentur, sive mors superveni-
ens hanc consummationem prohibuerit, per cap. 14. extr.
qui filii sunt legitimi D. Hahn. ad Wes. de ritu nupt. n. 5. ad
verba: benedicente Ecclesiæ ministro. Dn. Strutius in Syntagma
exerc. 29 tbes. 26 quia tamen haec personæ contra ordina-
tionem Ecclesiæ peccant, non quidem subeunt pœnam stu-
pri Hurenbrüche sustinere tamen pœnam ecclesiasticam,
per quam delictum illud luitur, licet benedictio sacerdota-
lis accedit, omnino tenentur D. Hahn. ad Wesenb. tit. ad L.
Jul. de adult. n. 21. ad verba. sed haec pœna canonica est sub
finem.

XXIX.

Jure demum Saxonicæ, imo etiam Electorali præ-
ter enumeratas solennitates requiritur adhuc ad matri-
monium ritè consummandum consensio thalami: per art.
45. lib. I. art. 45. l. 3. des Landrechts pars 3. const. Elector.
19. Et ibi Carpzov. def. 1. 2. 3. 4. adeò, ut licet sponsus vel
sponsa ipso nuptiarum die post copulationem sacerdota-
lem sive Ecclesiasticam, ante ingressum tamen thori con-
jugalis moriantur, superstitem haud lucraria ea, quæ conjugi
è conjugis defuncti bonis debentur, quia consensio tha-
lami pro forma substantiali matrimonii requiritur, quæ
ad unguem observari debet; nec per aliud æquipol-
lens

lens adimpleri potest, *Carpzov. dīctō loc. def. 3.* Dénique
in ultimis descriptionis verbis matrimonium *individuam*
vitæ cosuetudinem in se continere dicitur, quia, si semel sit
perfectum ac legibus convenienter initum, id nunquam,
vel raro, ac difficulter rursus dissolvitur.

XXV.

Satis de modis ineundæ societatis conjugalis: pro-
grediendum ad Jura matrimonium conservantia eaque
sunt triplicia, quædam enim soli marito, quædam soli
uxori competunt, quædam utriquæ sunt communia. Com-
munia Jura sunt, (1) quod conjux uterque se invicem mu-
tuuoque se invicem adjuvare auxilio (2) quod utrique com-
petat potestas, diversa tamen in liberos (3) in nonnullis
locis omnia, uti de Frisia testatur *Sandæ lib. 2. tit. 5. def. 1.*
vel maxima bonorum pars inter conjuges est communis,
modo adsit matrimonium consummatum, quia hæc con-
junctio communem laborem in acquirendo & conservan-
do præ requirit. *Sand. dīct. loc.* nam jure communi vera
proprietas & conjunctio bonorum inter conjuges non exi-
stit sed quasi communio, h. e. fruitur regulariter maritus
bonis uxorū & hæc illius, ut domina. *argum. l. 1. ff. de*
ad. rer. amotarum. Soli uxori competentia jura sunt. (1)
olim debebat esse ejusdem religionis cum marito, *l. ult.*
C. de incolis. hoc tamen hodie est mutatum, uti infra plu-
ribus exponetur. (2) Uxor participat dignitatem mariti
l. 8. l. fin ff. de senat. (3) ejusq; forum sequitur, *arg. l. fin. §. 3 ff.*
ad municipal. imò etiam vidua, quamdiu ad secundas nuptias
non transir, *l. 22. §. 1. ff. ad municipal.* nec in honeste vivere
incipit, *Tiraq. de nobil. q. 18. n. 13. Menoch. l. 2 Arbitr. quæst.*
cas. 288. num. 26. Demum *Jus maritum* tantum spectans
consistit

consistit, (1) in modica potestate uxorem corrigendi ac castigandi. arg. l. 24. §. 5. ff. solut. matr. Carpzov. in Jurispr. const. l. 7. def. 221. n. 1. (2) maritus acquirere debet necessaria vitae alimenta uxori totique familiae, & ferre onera matrimonii. l. 75. 76. in fin. ff. de jur. dot. l. 7. ff. eod. (3) in potestate patria per l. 4. §. 4. ff. qui sui vel alien. jur. sunt §. 3. inst. de bæred. qual. & differ.

XXVI.

S. I. *Patria autem potestas*, est jus patri solum competens liberis legitimis, qui ejus familiae sunt, imperandi, tum quoad res, tum quoad personas eorundem, ad communem familie utilitatem. Hæc potestas olim satis erat dura, & quod primum Jus patris in liberorum personas attinet, poterant patres (1) liberos, quemadmodum Domini servos, impunè interficere, l. 11. ff. de lib. & postb. l. ult. C. de patria potestate (2) poterat olim pater urgente summa inopia liberos sanguinolentos, h. e. recens natos vendere ac oppignorare, l. ult. C. de patrib. qui fil. suos diff. Sed ab hoc antiqui Juris rigore paulatim recessum fuit, & severior liberorum coercitio Imperatorum rescriptis sublata est l. fin. C. de emendat. propinquorum, quia non in atrocitate sed pietate patria potestas consistere debet, l. fin. ff. ad l. Pompei de parricidiis. Inde (3) etiamnum hodie & Jure novo in levioribus solum delictis patri permisum est, filium suum modice castigare l. si filius 3. C. de patr. potest l. unica C. de emend. propinq. atque incerto quodam conclave, citra privati carceris pœnam clausum habere, si modo id non ad custodiā, sed ad morum ipsius emendationem faciat Joh. Schneidew. ad h. §. n. 24. Carpz. in Jurispr. forens. parte 4. const. l. def. 17. n. 4. imo etiam liberos immorigeros usque ad vitæ emendationem ad disciplina-

plinarias, uti vocantur, domus Zucht und Spinn-Häuser in celebrioribus Germaniae urbibus & non ita pridem in vicina urbe Brunsviga laudabiliter exstructas, alegare. Befold. in Theſaur. pract. verbo Zuchthaus Dn. Hahn. ad Weſenb. parat. ff. de obseq. par & patr. præſtand. ſin vero graviora committant delicta, remittendi ſunt magiſtrantui ad eos pro modo delicti puniendos. l. 3. §. 4. C. de patr. potest. l. unie. C. de emend. propinq. Demum (4) Jus patris in personas liberorum in eo conſiftit, ut illi in patria potestate exiſtentis, non poſſint inire nuptias absque conſensu parentum.

XXVII.

Jus porro patribus in liberorum bona competentes, olim ſapiebat quandam tyrannidem, nam quemadmodum in tyrannide quicquid ſubditi habent & acquirunt, hoc tyrannorum gratia acquireti videtur, ita etiam quicquid liberi olim acquirebant, parentibus videbantur acquirere §. 1. inf. per quas perf. cuique acquir. Verum, quia patres potius Monarchis in ſalutem ſubditorum imperantibus comparandi ſint. Aristot. l. 8. Etb. c. 10. & lib. 2. Polit. c. 8. idē etiam Romani poſtea hunc juris rigorem correxerunt; & jure novo diſtingendum eſt, aut enim liberi ſibi aliquid acquirunt in bello aut occaſione belli, quod dicitur peculium Caſtrene, & ſpectat tam quoad uſum quam proprietatem ad liberos acquirentes, inque eo pro patribus familias habentur l. 2. ff. ad Sctum maced. (2) aut aliquid acquirunt extra bellum ex officiis & muniberis, quibus ſunt admoti, & illud dicitur quaſi Caſtrene peculium, & hoc rurſus liberi plenē ſibi acquirunt. §. ult. inf. de teſtam. mili. init. inſt. quibus permiff. eſt facere teſtam. (3) Aut liberi neque in bello neq; occaſione belli neque ex muniberis publicis, ſed aliunde, v. gr. per donationem, ſuccelli.

successionem aut alium titulum justum, non autem ex bonis paternis sibi quicquam comparant, in illo patres consequuntur usumfructum, liberi vero proprietatem, & dicitur peculium *ad ventitium*, aut demum (4) patres liberis concedunt potestatem administrandi certam bonorum paternorum partem, & inde nihil lucri capiunt, vocaturque illud peculium *profeditum* e. g. quando pater mercator filium suum praeposuit certae negotiationi, quicquid ex illa capit, id omne cedit in commodum parentis nec filius quicquam exinde sibi acquirit. Verum de hac quadruplici peculiorum specie infra ad tit. per *quas personas cuique acquiritur pluribus agetur.* (2) vi hujus Juris patribus in liberorum bona competentis, illi liberis suis imputberibus in potestate patria immediate existentibus pupillariter substituere possunt, h. e. cum ipsi nondum sint ejus ætatis, ut testamentum condere queant, eorum nomine patribus hoc est permisum. *init. insit. de pupill. subft.* & sic etiam pro nostro instituto satis actum de jure in liberorum bonis vi patriæ potestatis patribus competente, cui tamen unica quæstio *ex §. ult. Tit. bujus* annexenda, an nepos ex filio vel filia natus sit in potestate avi, & quoad nepotem ex filio natum hoc est affirmandum, ex filia vero natus, non in avi materni, sed paterni potestate existit: Per filiam enim familia non propagatur, sed illa potius familie suæ finis dicitur, l. 195. ff. *de verb. signif.* & filia non patri, sed marito filium familias parit, l. 196. ff. *de verb. signif.*

§. 2.

Tit. v. Cum nuptias utplurimum soleant præcedere sponsalia, antequam ad tituli decimi de nuptiis agentis explanationem progrediamur, breviter exponendum, quid sint sponsa-

XXIX.

Universitäts- und Landesbibliothek Sachsen-Anhalt
urn:nbn:de:gbv:3:1-546126-p0036-5

sponsalia: Describuntur illa, quod sint mentio & reprimis-
fio mutua futurarum nuptiarum l. 1. ff. de spons. ex qua de-
scriptione colligitur, quod requiratur consensus tam spon-
si quam sponsæ mutuus, & quod illæ personæ, quæ volunt
sponsalia celebrare, debeant esse instructæ intellectu ac rati-
one. l. 11. §. 12. ff. de spons. quem intellectum leges præsumunt
in personis sponsalia contrahentibus, modo non sint mino-
res septem annis. l. 54. ff. de sponsal. non vero opus est, ut
semper oretenus & inter præsentes sponsalia contrahan-
tur, sed etiam inter absentes, vel per epistolam, vel per nun-
cium, vel per scripturam vel sine scriptura sponsalia recte
ineuntur, modo appareat consensus. l. 4. 7. ff. de sponsal.
Patrum tamen consensus est necessarius, & illi semper con-
sentire videntur, modo non evidenter dissentiant. l. 7. §. 1.
ff. de sponsal. Dividuntur vero sponsalia secundum Cano-
nistas, quod alia sint de præsenti, alia de futuro. *per cap. 22.*
extra de sponsal. & cap. 31. extra eod. quæ distinctio legibus
Civilibus plane est incognita, & à solo jure Canonico in-
troducta, sunt vero sponsalia de futuro mutuæ promissio-
nes de præstanto consensu conjugali, e. g. ducam te uxo-
rem; sponsalia vero de præsenti, sunt nihil aliud, quam ipse
consensus conjugalis de matrimonio ineundo ac consum-
mando. Differunt autem sponsalia de futuro & præsenti,
primo, quod à prioribus rursus recedere liceat, vel unius, vel
utriusque partis dissensu, nisi accesserit concubitus. *per cap.*
is qui fidem 30. extra de sponsal. posteriora vero dissolvi
non possunt, & operantur obligationem ad matrimonium
consummandum. *per cap. 11. 12. extra de sponsal.* nisi gravis
accedat causa, ob quam interdum etiam sponsalia de præ-
senti dissolvuntur, qualis causa e. g. (1) sunt inimicitiae
capitales inter sponsum & sponsam exortæ, *Carpzov. l. 2.*

1. Si fornicatus, Jurispr. Consist. def. 176. (2) fornicatio. Carpzov. d. lib. 2.
1. furor, Sporre def. 184. 186. 187. 188. (3) furor, Carpzov. d. l. 2. def. 182.
infectus cum (4) morbus contagiosus & desperatus, defini. 180. (5) Atrox
Xyloca, in Emblema delictum def. 177. 178. (6) Impotentia. Struv. in Syntagma.
Tanac.

Jur. Civ. disput. 29. th. 23. (7) quod sponsalia de futuro
tollantur ac dissolvantur per subsequentia sponsalia de
præsenti, e. g. si quis cum Maria celebravit sponsalia de
futuro, & deinde cum Margareta de præsenti, tenetur du-
cere Margaretam, non vero Mariam, quia posteriora fue-
runt de præsenti, & sunt verum matrimonium Jure Civili.
l. 30. ff. de Reg. Jur. cap. 22. extra de sponsal.

XXIX.

Dividuntur secundo sponsalia in publica & clande-
stina. Publica sunt, quæ celebrantur in præsentia testium,
& cum parentum consensu, in quorum sponsi sunt potesta-
te, öffentliche Verlobnisse. arg. can. aliter causa 30. q. 5. can.
consanguinorum caus. 3. q. 4. cap. 2. de Clandest. de sponsal. eaque
jure subsistunt: Clandestina vero sunt, quæ contrahuntur.
(1) nullis testibus adhibitis, si personæ, sponsalia celebra-
tes, sint sui juris. (2) quæ sine consensu parentum fiunt,
sive uterque sive alter contrahentium tantum sit in pote-
state patria, licet etiam testes fuerint adhibiti, eaque nul-
las vires habent vid. cap. fin. de Cland. de sponsal. idem cautum
in Ordinatione Eccles. Fürstl. Braunschw. Kirchen-Ordnung
cap. Ordnung in Ehesachen tit. Ein heimlicher Et tit. seqq.
von Eheverpflichtung nisi per publica sponsalia fuerint
confirmata, vel copula carnalis accesserit, quod tunc ex
concupitu inducatur matrimonium præsumptum, præ-
sumptione canonis probationem in contrarium exclu-
dente. c. 6. c. de illis. c. per tuas. extra de condit. appos.
c. 30. extra de sponsal. idque semper verum est, modo in ali-
quo

quo loco non adsint constitutiones provinciales contrarium volentes, ut ejusmodi constitutio exstat in Ducatu Hannoverano ante paucos annos promulgata, quæ vult, ut sponsalia clandestina, & absque parentum consensu inita, nullo modo valeant, licet etiam copula carnalis accesserit. Inde jam fluit, si quis cum una virgine celebraverit sponsalia priora clandestina, cum altera postmodum publica, hæc clandestinis præferenda esse. Quod si autem quis cum duabus sponsalia publica contraxit, & vel unam vel utramque agnovit, eam tenetur ducere in uxorem, cum qua priora sponsalia publica celebrata sunt;
cap. ult. extr. de sponsal.

XXX.

Sponsalibus ritè peractis, sequuntur ipsæ nuptiæ, ubi (1) modus contrahendi nuptias (2) personæ eas ineuntes considerandæ sunt. De priori supra actum fuit; Reliquum est, ut ipsas personas nunc perpendamus, inque iis sequentia requiruntur. (1) debebant olim esse *cives Romani. init. b.* inde cum servis deportatis, peregrinis connubium non erat. *l. 3. C. de incest. nupt.* Verum hodie inter peregrinos matrimonia efficaciter ineuntur, non tantum in illustribus, verum etiam inferioris conditionis personis, & matrimonium inter servos & ancillas, sive inter se, sive cum altera persona libera contractum, modo jus servitutis domino illibatum manet, pro justo & vero conjugio, jure Canonum & hodierno habendum est. *c. 1. Et tot. tit. 10. de conjug. serv. Job. Kitzel. in Synops. Matrim. cap. 3. theorem. 15. pag. 9. Et seqq.* (2) debent esse *justæ etatis*, quæ olim apud Romanos præsumabatur adesse in feminis, quando 12. in masculis, quando 14. annum impleverant, h. e. pubertatem erant adepti. Ratio vero, quare Romani intam tenera adhuc ætate matrimonia permitterent, hæc erat:

erat ; Respubl. Romana perpetuis ferè bellis erat impli-
cita, ad quæ gerenda multi requirebantur homines , le-
gumlatores itaque omnia , quæ poterant , instituta fe-
rebant promovendæ & procreandæ sobolis interventia
argum. l. 1. ff. solut. matrim. l. 7. §. si plures 3. ff. de hom.
damnat. quo etiam pertinet, quod puberibus, tam masculi-
nam quam fœminis statim permissum fuerit inire matrimo-
nia, accedebat, quod putarent, civitatem hac ratione
adulteriis & stupris exonerari. Aristoteles vero hac in
parte planè dissentit à legibus civilibus, & in cap. 6. l. 7.
Polit. requirit in fœminis, ut sint XIIIX. in masculis ut
*sint XXXV. vel XXXVI. annorum, & hujus rei has af-
fert rationes, quod (1) magna requiratur prudentia tam*
*ad liberos procreatōs rectē educandos, quam etiam ad fa-
miliam rectē gubernandam, quæ cœlet in masculis & fœ-
minis qui non sunt maiores quam XII. vel XIV. annis :*
(2) videtur etiam imminui reverentia parentibus debita,
si liceat masculis & fœminis puberibus inire matrimonia,
cum tam parentes quam liberi æqualis fermè sint ætatis.
(3) liberi ex ejusmodi personis procreati, solent esse
ægroti ac infirmæ valetudinis, interest vero reipublicæ,
ut liberi tanquam seminarium futuræ reipublicæ & futuri
cives, sint sani ac robusti. Quicquid tandem sit, adhuc
hodie masculis cumprimis optimè consulitur, si ante an-
num XIIIX. ad nuptias non facilè admittantur, cum ante
*illum ætatis terminum vix se suosque alere, suæq; fami-
liæ præesse possunt, Carpzov. in Jurispr. Eccles. l. 2. def. 12.*
Quemadmodum autem impuberibus, ita etiam senibus
LX. annos natis inire matrimonia, olim L. Jul. & Papia
erat prohibitum, postea verò per l. 27. C. de nuptiis. hoc
est abrogatum, & secundum illum textum, non tantum
LX. annos nati, sed etiam seniores, qui jam pervenere ad
LXX. an-

LXX. annum, licite contrahunt nuptias, quamvis enim
forsan non obtineant hunc societatis conjugalis finem,
sobolis scil. procreationem, mutuum tamen adjutorium
consequi possunt.

XXXI.

(3) Requiritur, ut personæ ipsæ, quæ volunt matrimonio jungi, consentiant. l. 2. ff de rit. nupt. Consensus enim non concubitus facit matrimonium. l. 20. ff. de Reg. Jur. c. 4. in fin. c. 14. c. 23. extra de sponsal. ille vero consensus debet declarari verbis, vel alio signo claro ac certo, nam in causa matrimonii consensus ambiguus non recipitur, sed certus & clarus exigitur. Ernft. Cothm. vol. 2. Respons. 86. n. 7. Inde licet Anna maritalē habeat affectum erga Johannem & contra, & sic cupiant matrimonialiter jungi, tamen inter eos per tacitam hanc voluntatem non contrahitur matrimonium, sed debet prius ille consensus expressis declarari signis. Præterea quoque debet consensus esse liber ac voluntarius non vero coactus, per cap. 14. extra de sponsalibus. Hinc, si quis vi adactus sit ad nuptias ineundas, est hoc matrimonium ipso Jure nullum arg. l. 21. ff. de rit. nuptiar. quo etiam referendus est metus justus, qui, uti excludit consensum, ita etiam vitiat nuptias contractas. c. cum locum extr. de spons. l. 24. C. de nupt. licet per juramentum confirmatas. per cap. significavit 2. extr. de eo qui dux in matrim. cap. cum contingat extr. de Reg. Jur. Carpzov. in J. E. lib. 2. def. 27. nam juramentum sequitur naturam negotii & actus cui accedit. Huc tamen non referendus metus reverentialis, quem liberi parentibus debent. l. 22. ff. de rit. nupt. (3) Dolus quoque ac error faciunt, ut nuptiae non subsistant propter eandem rationem; quoad errorem tamen est distinguendum, aut enim existit circa

substantialia, aut circa accidentalia matrimonii, prior vi-
tiat matrimonium, qualis error e. g. est, si quis putat se
hanc virginem ducere in uxorem, cum interim alia sub-
stituatur, posterior vero nuptias non infringit, qualis
e. g. est, qui circa dvitias sponsæ versatur. Quod si au-
tem aliquis erret circa virginitatem, putans se ducere uxo-
rem virginem, quam tamen postea deprehendit imprægna-
tam esse, error hic videtur substantialis, adeoque ejus-
modi matrimonium dissolvi potest, licet in Jure Canonico
aliud statuatur, *can. unic. caus. 29. quæst. 10. in fin. jung. Carpz.*
in Jurispr. Eccl. l. 2. def. 193. Opus tamen pium ac Chri-
stianum facit maritus, uxorem, ab alio ante nuptias stu-
pratam & gravidam, retinens. *Carpzov. in Jurispr. Eccles.*
l. 4. def. 195.

XXXII.

(4) Requiritur consensus parentum, qui liberos in
potestate habent, *l. 11. C. de rit. nupt.* exigit enim hoc ipsum
obedientia ac reverentia, quam liberi suis parentibus tam
Jure Civili, quam Naturæ exhibere debent, modo pater
non sit furiosus, quo casu debet adhiberi consilium (1) cu-
ratoris patris furiosi (2) potiorum agnatorum (3) Ma-
gistratus confirmatio accedere. *init. Inst. b. in fin. l. 28. C.*
de Episcop. audient. l. 25. C. de nupt. Verum ulterius, quo-
ad consensum parentum, distinguendum est, inter Jus Ci-
vile, Naturale, Canonicum & hodiernam praxin. Jure Ci-
vili consensus parentum, liberos in potestate habentium,
est de essentia matrimonii, & necessario requiritur, adeò,
ut, eo non adhibito, matrimonium sit illegitimum, &
liberi illegitimi *l. 11. ff. de stat. bom.* Inde fluit, quod filii,
qui ex patri potestate jam sunt egressi, etiam absque
consensu parentum recte matrimonium contrahant. *l. 25.*
ff. de

ff. de rit. nupt. filiæ vero, licet potestati patris non amplius
sint subjunctæ, nihilominus tamen semper consilium paren-
tum adhibere debent in matrimonii ineundis, cum pro-
pter judicij ac sexus fragilitatem facile possint decipi *l. 20.*
18. princ. C. de nupt. Non vero matris consensus Jure
Civili est necessarius, cum liberi non sint in potestate ma-
trum, sed tantum patrum. Jure autem *Naturæ* cum æqua-
lis reverentia debeatur, tam patri quam matri, & mater
eadem, si non majori cum cura liberos procreet, eorum-
que educatione studeat, æque matris & patris consilium ad
liberorum nuptias requiritur, ita tamen, ut matrimonium
contractum absq[ue] consensu parentum illo Jure subsistat,
cum & Jure *Naturæ* ejusmodi nuptiæ solum prohibeantur
sub lege pœnæ, non vero sub lege annulationis, i. e. si
liberi neglecta auctoritate parentum, matrimonia contra-
hant, nuptiæ quidem subsistunt, nec rursus dissolvuntur,
liberi vero qui consilium parentum neglexerunt, puniendi
sunt, propter læsam reverentiam paternam. *Dn. Habs. ad*
Wesenb. tit. de jur. nupt. n. 3. ad verba. Horum enim consensus
Jure *Canonico* distinguendum inter Decreta & Decretales;
in Decretis est prohibitum matrimonium sine consensu
parentum, & præcipue sponsalia, cum sint clandestina
& sic nihil valeant. *Canon nosfrates 3. caus. 30. quest. 5.* Jure
vero Decretalium matrimonium non est prohibitum sine
consensu parentum *per cap. 23. extra de sponsal.* Quod ho-
diernam praxin attinet, videndum primo, an in aliquo lo-
co hac de re specialis adsit constitutio, quæ consensum
parentum exigat, & illa est strictè sequenda, si vero
talis non exstat, sequendum est Jus *Canonicum*, ita ut
consensus parentum non sit de necessitate, sed tantum de
honestate in nuptiis liberorum; tutorum vero ac curato-
rum

rum consensus non requiritur ad nuptias minorum ineundas. l. 20. ff. de rit. nupt. Impuberis enim, quamdiu sub tutela sunt, ne quidem matrimonium inire possunt. Pu-
beres vero, licet velint conjugium contrahere, tamen non opus habent, ut adhibeant consensum curatorum, cum illi rebus, non vero personæ dentur. §. 4. Inst. Qui test. tut.
dar. poss.

XXXIII.

(5) Requiritur ut personæ nuptias contrahere volentes, non sunt constitutæ in gradu prohibito consanguinitatis vel affinitatis, ergo hic sciendum, quinam gradus sint prohibiti: quod ut constet arbor consanguinitatis est consideranda; hæc vero arbor nihil aliud est, quam series quædam indicans personas à communi stipite ortas, quomodo inter se distent, & postea se invicem attingant consanguinitatis vinculo. Consanguinitas vero est necessitudo personarum, ab eodem stipite descendientium, gradus continens, & cognationes distinguens. Gradus est personæ ad personam proxima conjunctio: Est vero illa arbor duplex, alia Juris Civilis, alia Canonici, prioris fundamentum petendum est ex tit. 6. l. 3. inst. Ex integr. tit. ff. de grad. affinitat. posterior fundatur in caus. 35. quest. 5. Conveniunt hæc duæ arbores in hisce, (1) quod in utraque tres concurrant lineæ (1) lin. ascendens (2) descendens (3) collateralis. (2) quod in utraque arbore certi existent gradus in singulis lineis, (3) quemadmodum Jure Civili numerantur gradus à linea ascendentे & descendente à personis generatis, ita etiam in arbore juris Canonici, & quidem sequenti modo, quod sunt generatio-nes, tot sunt gradus, stipite dempto, differunt vero illæ arbores, (1) quod in linea collaterali non detur primus gradus,

gradus, init. inf. de grad. cognat. in fin. (2) Jure Civili linea collateralis non distinguitur in æqualem & inæqualēm, uti fit Jure Canonico, habetque alia regula computationis locum in linea collateralī æquali, alia in linea inæquali, prioris linea regula hæc est, quo^to gradu distat eterque à Communi stipite, toto gradu à se in vicem distant, e. g. fratri & sororis liberi distant à communi stipite h. e. ab Avo, secundo gradu, quia inter avum & nepotes intercedunt duæ generationes dempto stipite, (1) liberi (2) nepotes, Ergo etiam inter se in vicem secundo gradu distant. In linea vero collateralī inæquali hæc computationis regula Jure Canonico locum habet, quo^to gradu remotior distat à communi stipite, toto gradu à se in vicem personæ distant, e. g. filius & sororis filia distant à se in vicem secundo gradu, quia remotior, neptis sc. à communi stipite distat secundo gradu.

XXXIV.

ibidem Usus verò utriusque arboris in sequentibus consistit, nimirum arbor Juris Civilis usum præcipue habet in tutelis & successionibus ab intestato, nam secundum arborem Juris Civilis succeditur ab intestato per novell. 118. cap. 1. 2. 3. & tutela etiam legitima defertur. l. 10. ff. de grad. & affin. ita ut proximior cognatus tam in successione ab intestato, quam in tutela legitima, secundum computationem Juris Civilis, remotiorem Jure novo excludat. Arbor autem Juris Canonici adhibetur in causis matrimonialibus, cum in illa materia computatio prohibitorum graduum secundum eam instituatur.

XXXV.

Quoad lineam igitur ascendentem & descendenter, tam Jure Civili, Naturæ, quam Divino ac Canonico, imo

F

etiam

etiam hodierno locum habet hæc unica regula. Quæcumq[ue] personæ in lin. ascend. & descend. sunt constitutæ, inter illas matrimonium est prohibitum usq[ue] in infinitum Levit. c. 18. v. 7. & 10. can. proveniens. can. de consanguinitate. can. in copulatione 35. q. 1. & 2. Quia illæ personæ parentum liberorumve locum inter se obtinent, ita ut secundum Doctores neque Adamus, si adhuc viveret, hodiè posset ullam uxorem ducere, cum hodiè omnes feminæ ex ejus posteritate oriundæ sunt. Licet vero hujus rei causas certas ac naturales adducere sit per difficile, nihilominus tamen eo non minimum confert. (1) quod per ejusmodi matrimonium lædatur reverentia parentibus debita, nam uti Grotius lib. 2. c. 5. thes. 12. de Jur. bell. & pac. loquitur. Nec maritus, qui superior est lege matrimonii, eam reverentiam potest præstare matri quam natura exigit, nec patri filia; quia quanquam inferior est in matrimonio, ipsum tamen matrimonium talem inducit societatem, qua illius necessitudinis reverentiam excludat. (2) ipsa natura videtur ab ejusmodi matrimonio abhorrire, cum in hominibus nulla prava educatione corruptis, sit in ipsis affectibus insita fuga quædam commixtionis cum parentibus & ex se natis, quippe cum etiam animalia quædam bruta hujusmodi commixtionem aversentur. Novell. 12. cap. 1. H. Grotius dið. c. 5. thes. 12. in fin. ferme. Quocunque autem intemperantiae genus facit, ut eligamus id, à quo homines natura ducti, communiter abhorrent, illud ingens est & horrendum. At si quis cum ea, quæ in linea ascend. vel descendente est, rem habet, est ejusmodi intemperantiae genus. Ergo coitus cum iis qui sunt in linea ascendente & descendente ingens crimen est. Felden ad dið. loc. Grot. pag. m. 125. (3) Cum hoc matrimonium sit prohibitum ipso, etiam Jure Divino, Levit.

Levit. 18. v. 1. § 10. Ejusmodi vero, in linea ascendentē & descendētē, constitutā personāe, & respectum parentū & liberorū habentes, sunt (1) filia & pater naturalis ac legitimus, (2) pater adoptivus. (3) meretrix ac filius naturalis s. spurius: nihil enim interest, utrum cognatio ex justis nuptiis descendat nec ne. l. nihil interest § 4. l. adoptivus 14. §. 2. in verb. unde nec vulgo quædam filiam ff. de R. N. licet etiam parentes & liberi sint servilis cognationis d. l. 14. §. 2. ff. de R. N. §. 10. inst. b. (4) susceptor & suscepcta, Jure enim Civili suscepta, loco filiæ esse putatur, l. 26. verj. ea videlicet C. de nupt. quod & Jus Canonicum sequitur, cum Canonistæ spiritualem cognationem ex hac susceptione oriri autumant. tot. tit. extra de cognat. Spirit. c. fn. de cogn. in 6to. verum cum Juri Divino ejusmodi matrimonium non refragetur, apud Augustinæ Confessioni addictos & reformatos omnino est permisum. Dn. Hahn ad Wesenb. de R. N. 4. Dn. Struv. exercit. 19. tb. 40. nisi in aliquo loco quædam contraria constitutio inveniatur, uti in Ducatu Lunæburgensi in suscipiente & susceppto: Ordin. Polit. Ducat. Lunæb. tit. 30. XXXVI.

Quoad Lineam collateralem distinguendum inter Jus Civile, Divinum, Canonicum, & hodiernum: Jure Civili haec duæ regulæ sunt notandæ. (1) *Quicunq; sunt fratres & sorores*, illi non possunt inire matrimonium l. 17. C. de nupt. Tales jam sunt (1) fratres & sorores germani & Germanæ (2) fratres & sorores consanguinei, Consanguineæ (3) fratres & sorores uterini & uterinæ, (4) naturales. l. 14. ff. de Rit. nupt. (5) spuriij & spuriæ (6) fratres & sorores legitimati (7) adoptivi & adoptivæ, quamdiu scilicet adoptio durat, illa enim soluta, matrimonia inter illos

*i. hoc est contraria omnes & inest
e. fructu nupti eet.*

illos sunt licitia, Jure vero Naturæ matrimonium inter fratres & sorores non videtur esse prohibitum. vid. *Dn. Hahn. ad tit. de rit. nupt. in observ. n. 4. ad verba primo gradu.* licet multi in ista sint opinione: quodcunque enim matrimonium Deus olim permisit, ita, ut propterea personæ illud ineuntes non exciderint gratia divina, illud non est contra Jus Naturæ: Atqui matrimonium inter fratres & sorores est tale, Erg. Accedit quod Deo initio mundi facillimum fuisse, plures creare homines, & sic evitare conjunctionem fratrum & sororum, si hoc cum Jure Naturæ & honestate pugnare fuisse arbitratus. Quamvis forsitan hodie ejusmodi matrimonia inordinatum amorem & vitium intemperantiae sapere videantur, nam *Felden ad d. c. 5. §. 13. Grotii de J. B. & P.* ita recte argumentatur qui sine necessitate coitum appetunt cum ea persona, cuius coitum naturaliter abhorrent, illi ex inordinato amore & vitio intemperantiae hoc faciunt: aucto humano genere, frater & soror matrimonium inire volentes talem appetunt coitum, à quo naturaliter abhorrent, norunt enim, se in uno patre convenire & idem esse E. sed quoniam non æque sunt idem, ut parentes & liberi, minor etiam est turpitudo.

XXXVII.
§. 3. & 5. Secunda regula hæc est. *Quicunque in linea collaterali habent inter se respectum parentum ac liberorum, illi non possunt contrahere nuptias,* quales sunt omnes personæ primi gradus respectu reliquarum personarum in linea collaterali constitutarum uti est (1) fratri mei & sororis filia, (2) fratis vel sororis neptis. (3) Amita (4) Materterta. (5) Materterta magna. (6) Amira magna. Quamvis vero non tantum Jure Civili, sed etiam Divino inter has personas

sonas matrimonium sit prohibitum, tamen experientia teste, in familiis illustrioribus ejusmodi matrimonia per dispensationem ex causa urgente permittentur, cum non sint contra jus Naturæ, & præterea inter personas il-lustres sœpius non inveniantur ejusdem conditionis sociæ.

XXXIX.

Fratrum vero & sororum liberi jure civili nuptias contrahere possunt. Jure divino idem in linea collaterali constitutum, quod Jure Civili, & prima regula est fundata in cap. 18, *Levit. v. 9.* secunda in eodem cap. v. 12. & seq. Quod porro Ius Canonum attinet, tres ex eo regulæ in linea collaterali notandæ sunt, quarum prima & secunda eadem est, quæ Juris Civilis canon. 15. 16. 17. 18. Caus. 2. q. 5. Can. 1. quæst. 1. caus. 35. tertia vero regula prohibet matrimonium usque ad quartum gradum inclusivē tam in linea æquali quam inæquali c. 8. extr. de consang. & affin. cum olim quod magis mirandum est, eodem Jure matrimonium in linea collaterali usque ad octavum gradum exclusive prohibitum erat, per cap. Nulli causa 35. q. 2. Et 3. vera autem & genuina hujus rei ratio procul dubio hæc fuit (modo scapham scapham appellare liceat) ut Pontifices sibi possent per dispensationem multum auri ac argenti comparare, licet hoc amore publicæ honestatis tegere & palliare summopere sint annixi. vid. *Mattb. Anton. de Dominis de rep. Ecclesiast. l. 5. c. 2.* prohibitio-nes verò Juris Canonici adhuc hodiè sequuntur terra Pontificiæ religioni addictæ.

XXXIX.

Apud Augustanæ Confessioni addictos hodie pri-mo videndum est, an speciales quædam Constitutiones in aliquo loco reperiantur, quæ si extent, strictè sunt obser-

vandæ, si non adsunt, Protestantes in linea ascidente & descendente, ut & linea collateralis, Jus Civile sequuntur: Cui ramen hanc regulam superaddunt. *Quicunque in linea collaterali æquali in secundo: in linea collateralis vero inæquali in tertio gradu sunt constituti: illi inter se invicem matrimonium inter nequeunt*, uti sunt fratum & sororum liberis, & fratris filius cum fratre vel sororis nepte, Ambros. Schurer. l. 1. de grad. loc. 12. Matth. Wesenb. in parat. ff. de R. N. ibique Dn. Hahn. Carpzov. l. 2. Jurispr. Cons. def. 77. Nam illi sæpius vivo proavo nascentur & ad eam ætatem pervenient, uteum nosse, atque adeo cernere possint, in quo convenient, unde propter ejusmodi cognitionem ipsi inter se cotum, & conjunctionem naturaliter quasi respiciunt, & properea eo usque matrimonium recte prohibitum invenitur. Reliquæ vero personaæ in linea collaterali constitutæ, quia vel nunquam vel raro communis stipite adhuc vivo nascuntur, adeoque eum, in quo convenient, regulariter ignorant, nec unquam oculis alpexerint, si contrahunt nuptias, per inordinatum affectum aliquid commissæ propriè dici nequeunt, & per consequens inter illos etiam jure meritoq; apud protestantes matrimonium permittitur, vid. Velden dñs. loc.

XL.

Progrexiendum nunc est, ad personas inter quas ratione affinitatis prohibitum est matrimonium, ubi primo notandum, quod affinitas sit, conjunctio ex justo matrimonio descendens, l. 4. §. 8. ff. de grad. & affin. estque duplex, perfecta & imperfecta. Affinitas perfecta dicitur, quæ ex iustis ac legitimis nuptiis concubitu consummatis oritur. Imperfetta, quæ per sponsalia contrahitur, aut per iustas ac prohibitas nuptias. l. 4. §. 8. l. 6. §. 1.

l. 6. §. 1. l. 8. ff. de affin. l. 13. §. 3. ff. ad L. Jul. de adult.
Utraque vero affinitas est impedimento nuptiis, quia etiam ex sponsalibus, contubernio, concubinatu, & quavis illicita copula oritur affinitas nuptias immediens. §. 9: infra hic l. 12. §. 1. 2. 3. ff. de R. N. H. Grotius ad cap. 5. lib. 2. de Jure B. ac P. §. 13. infra h. Jure Canonico triplex datur affinitatis genus per cap. non debet. extr. de consang. primum est, quod oritur ex uno matrimonio e. g. meus frater dicit uxorem Catharinam, haec mihi est conjuncta in primo generis affinitatis, secundum genus est, quod oritur ex duplice matrimonio, e. g. Catharina fratris mei uxor est mihi conjuncta in primo genere affinitatis, si jam illa nubat Titio, fratre meo mortuo, Titius erit mihi conjunctus in secundo genere affinitatis, tertium genus est quod ex triplici oritur mortimonio e. g. si Catharina moriatur, Titius ducat Margaretam, illa Margaretta est mihi conjuncta in tertio genere affinitatis, ulterius vero affinitas non extenditur. Patet hinc, quinam revera & proprie sint affines; Cognati sc. mariti sunt affines uxoris; & contra, cognati uxorū sunt affines mariti, non vero cognati mariti atque uxorū inter se invicem sunt affines. l. 4. §. 3. ff. de grad. affin. Hinc ego & frater meus possumus uxores ducere duas sorores. Quoto vero gradu cognati mariti ratione consanguinitatis sunt conjuncti ipsi marito, eodem etiam gradu sunt conjuncti ratione affinitatis ipsi uxorū; & quanto gradu cognati uxorū ratione consanguinitatis sunt conjuncti ipsi uxorū, in eodem etiam gradu sunt constituti ratione affinitatis cum marito, quia uxor & maritus sunt una quasi eademque caro.

XLI. Pro-

. Alu[n]d Jul. I ha[bit]at. R. 8. A. 1. Q. 1. 1. 1. 1.
19 si Prohibetur vero matrimonium Jure Canonico in pri-
mo tantum affinitatis genere usque ad quartum gradum
cap. non debet 8. extr. de consang. & affin. Inter affines
vero secundi & tertii generis, modo non sint personae,
quaes per interpretationem juris parentum & liberorum loco
habentur. Mattb. Wesenb. in parat. n. 4. ibid. Dn. Habs.
pag. m. 209. Richterius decis. 10. num. 14. tit. 30. Ord. Polit.
Lunenburg. matrimonium non est prohibitum, quia se-
cundum & tertium genus affinitatis, nec jure divino nec
Canonico hodiè impedimento nuptiis esse potest. Dn.
Habs. ad Wesenb. tit. de R. N. num. 4. ad verb. primum
enim duntaxat genus. Richterius dec. 10. num. 12. Ord. Eccles.
Lunenburg. p. 563. In genere vero pro regula observan-
dum est, quibus gradibus nuptiae prohibite sunt, ratione
cognitionis, iisdem quoque prohibite intelliguntur tum
§. 6. & 7. in lin. ascendentे & descendente, tum etiam in linea col-
laterali, eaque tam aequali, quam inaequali, ratione affini-
tatis, cap. 1. cap. penult. extr. de consang. & affin. Nemo
igitur privignam aut nurum, quia utraque filiae loco
sunt §. 6. b. neque Socrum aut Novercam, quia matris loco
existunt §. 7. b. in uxorem ducere potest.

XLII.

Hactenus dicta semper ita obtinent, nisi personae,
matrimonium inire prohibite, dispensationem impetrave-
rint. Ubi iterum loco principii notandum, quod inter
illas personas, quas conjungi Jus divinum in cap. 18. Levit.
veruit, non admittatur dispensatio; nisi quod interdum
in familiis illustribus ab hac regula ex justa causa receda-
tur, quod prohibitio juris divini in dicto capite extans
non sit omnibus in casibus moralis, sed in nonnullis tantum
Juris

Juris positivi. Magistratus verò Ecclesiasticus in conce-
denda dispensatione , semper prudentiam adhibere , nec
facilis esse debet , nisi graves ad sint causæ , eamque dispen-
sandi potestatem habent , qui Juribus Episcopalibus gau-
dent.

XLIII.

Ex hisce dictis fluit , quod liberi diversorum matri- §. 8.
moniorum , licet habeant fratrem sororemve ex matrimo-
nio postea contracto natos , nuptias licet contrahant ,
quia hic neque vinculum affinitatis , neque consanguini-
tatis adest l. 34. ff. de R. N. quod si quis patris defuncti §. 9.
sponsam in uxorem ducere velit , videndum est , an adfu-
erint sponsalia de præsenti , & filio hoc casu id non est per-
missum , quia revera adfuit matrimonium , argum. l. 30. ff.
de R. J. si vero sponsalia tantum de futuro adfuerint ,
stricto quidem Jure matrimonium permititur , melius ta-
men ac honestius faciunt , qui ab ejusmodi nuptiis absti-
nent , §. 9. b. c. 4. & 8. extr. de spons.

XLIV.

Denique serviles cognationes & affinitates impedi- §. 10.
mento nuptiis sunt , cum eadem prohibitionum regulæ ,
quæ inter liberos homines , etiam inter servos attendi
debent , l. 14. § 2. 3. ff. de R. N. Imo aliæ adhuc personæ §. 11.
propter diversas rationes Jure Civili nuptias contrahere
prohibentur , ita Tutor ac Curator eorumque liberi non
possunt Jure Civili in uxorem ducere propter metum in
ter tertendarum rationum pupillam five adultam l. 36. ff.
de R. N. l. 59. 60. 66. ff. eodem , nisi (1) tutori ejusve filio
pupilla à patre ejus desponsata vel in testamento destina-
ta fuit . l. 36. l. 66. ff. de R. N. vel (2) à tute rationes
redditæ sint l. 26. §. fin. b. Idem obtinet in Ducatu
Wolferbytano propter ordinationem Ecclesiasticam D. Julii

p. 275. in verbis : Keinein soll auch zugelassen werden/das Kind/ so in seiner Verpflegung oder Vervoigung ist / ihme selbst oder seinen des Pflegers oder Vormundes Sohn oder Tochter anders/ den die Rechten zulassen / bey unser Ungnade und Straffe zu Berehlingen/ licet alias hodiè ejusmodi conjunctiones in usu esse , ex Jure Canonico , ubi haec prohibitio non attenditur , Doctores vulgo censeant . Diversitas vero religionis , quoad Augustanæ confessioni additæos , Pontificios & reformatos nuptias non impedit , præsertim cum haec religiones in sacro Imperio Romano expressæ receptæ sint , & tolerentur Instr. Pac. Osnabr. art. 7. §. 1. Et 2. in fin.

XLV.

¶. 12.

Hactenus de modis ineundæ societatis conjugalis. Nunc videndum , quomodo nuptiæ iterum dissolvantur , ubi notandum . Quod alias Nuptiæ sunt justæ , alias injustæ : priores interdum ex justa causa dissolvuntur , posteriores ejusmodi dissolutione non opus habent , sed sunt ipso Jure nullæ . Dicuntur vero nuptiæ injustæ , quæ contra leges & inter personas vetitas fuerunt initæ , ex quibus , sicuti non merentur nomen matrimonii sive nuptiarum ; nullus etiam justarum nuptiarum effectus resultat ; nam (1) illis nulla dos , nec donatio propter nuptias efficaciter accedere potest , nec (2) liberi ex ejusmodi nuptiis procreati in patria potestate existunt , neque etiam nomen liberorum justorum nanciscuntur , sed quoad patriam potestatem æquiparantur spuriis , nec (3) dotis vel donationis ex actioni locus est . Differunt alias liberi in jure multis modis , alii enim dicuntur justi , & sunt vel naturales Et legitimi simul , qui ex matrimonio justo procreati sunt , vel legitimatantum , qui adoptantur & arrogantur , de quibus in tit. seq. II. agitur ; alii vero injusti , uti naturales tan-

tum

tum ex concubina scilicet nati: spuri qui ex meretrice
sunt suscepti, ex coitu damnato procreati, qui ex virgine ve-
stali, quæ vitam suam perpetuæ castitati addixit, procre-
antur, adulterint ex adultero, in cestuosi ex incestu nati.
Ubi porro notandum, quod incestus fit duplex, Juris
Gentium & Juris Civilis. l. ult. ff. de R. N. Incestus Jur. G.
est, quando persona in linea ascendentे & descendente
constitutæ, Juris vero Civilis, si persona ex transverso con-
junctæ, nuptias vetitas contrahunt. Et porro vel est con-
sanguinitatis vel affinitatis; Prior committitur inter per-
sonas consanguineas, posterior inter affines; Poena autem
incestus varia, pro diversitate propinquitatis & gradus, &
quidem in linea ascendentе & descendente inter consanguini-
neos est poena gladii, vid. Constit. Carol. artic. 117. in linea
vero collaterali incestus simplex inter fratres & sorores, vel
etiam inter personas respectum parentum & liberorum
habentes, absque adulterio, fustigatione cum relegatione,
si cum adulterio conjunctus sit, gladio punitur: Inter re-
liquas vero personas lineæ collateralis, si prohibitæ nu-
ptiæ ineuntur, vel relegatio, eaque perpetua, vel tempo-
ralis, vel etiam multa locum invenit, pro diversitate proxi-
mitatis & gradus. Incestus demum affinitatis in linea
ascend. & descend. ut & in primo gradu lineæ collateralis,
fustigatione & relegatione punitur; inter reliquos vero
affines lineæ collateralis poena relegationis, vel etiam mi-
nor locum habet. Carpzow. in prax. Crim. quæst. 72. 73. 74.
Et hæ poenæ propter ultima verba §. hujus 12. subjun-
genda fuerunt.

XLVI.

Ex definitione matrimonii antea tradita, constat,
nuptias justè ac ritè initas, non facile posse dissolvi, cum
contineant individuam vitæ consuetudinem, interdum ta-

liberij. I. Just. gratia. et. leg. finit.

G 2

men

Legitime statu

naturale statu

Injusti. Spuri

ex coitu damnato

adulterini

Incestuosi. Juris Gent.

spuri. consanguinitatis

Juris Civ. affinitatis.

men separatio sive divortium locum habet (quando enim sponsalia dissolvuntur repudium, quando ipsæ nuptiæ, divortium in jure appellatur) si sc. juste ac urgentes adsint causæ, & separantur conjuges duobus modis, vel (1) tantum quoad thorum & mensam, vel (2) quoad ipsum vinculum, prius fit (1) quando conjuges sibi invicem struunt insidias, (2) quando inter ipsos inimicitia capitales extortæ sunt, (3) si nimis durit ar unus conjugum alteram tractat. *Carpzov. in I. C. part. 2. def. 210. & seqq.* ante omnia tamen diligenter animorum reconciliatio à Magistratu tentanda est; Non vero possunt hæ personæ, quæ quoad thorum & mensam separantur, novum inire matrimonium, quamdiu uterque in vivis est, nisi forsitan conjugi innocentia per speciale Magistratus decretum hæc potestas concedatur. *Carpzov. d. l. def. 189.* Separatio quoad ipsum vinculum fit (1) ob adulterium, (2) ob malitiosam desertiōnem, *per epist. I. ad Corinth. c. 7. v. 18. Matth. c. 9. v. 9.* & 4. & effectus hujus divortii est, ut conjux innocens semper possit transire ad secunda vota.

XLVII.

§. 13. Hactenus latè actum fuit, de societate conjugali & primo modo constituendæ patriæ potestatis, nimirum nuptiis. Secundus modus est legitimatio, quæ nihil aliud est, quam actus legitimus, per quem liberi naturales fiunt legitimi ac justi. Et triplex existit, vel enim fit (1) per oblationem curiæ, vel (2) per subsequens matrimonium, vel (3) per rescriptum Principis. Legitimationis per oblationem curiæ, fundamentum hoc est. Curia in rep. Romana nihil aliud erat, quam senatus municipiorum ac coloniarum extra Italiam translatarum, quæ curia, s. qui Magistratus erat conjunctus cum magno labore, maximisque molestiis, ita, ut quilibet ab isto officio abhorreret: liberis

liberi itaque illegitimi, qui legitimi fieri volebant, hoc
munus subire, pro proemio legitimationis donatæ, tene-
bantur. Hodiè verò hæc species legitimationis plane est
abrogata, nec ullum amplius usum habet. Ad legitimati-
onem verò per subsequens matrimonium requiritur jure Ci-
vili (1) ut liberi adsint naturales, h. e. ex muliere nati,
ad quam patet consuetudinem habuit, s. fin. b. (2) ut in-
ter istam mulierem ac patrem matrimonium non sit pro-
hibitum s. fin. h. s. 2. Inst. de bæred. quæ ab intest. (3) ut de
matrimonio subsecuto, non quidem dotalia, licet hic s.
id videatur exigere, sed solum instrumenta nuptialia, qui-
bus matrimonium probari possit conficiantur § 2 Inst. de
bæred. quæ ab intest. l. 10. C. de natur. liber. jung. Novell. 12.
c. ult. Novell. 18. c. ult. Novell. 83. c. 8. & 11. Jure vero Ca-
nonico & hodierna praxi, tantum requiruntur nuptiæ,
non verò instrumenta dotalia per cap. 7. extra qui filii sunt
legit. modo sint benedictione sacerdotali consummatæ.
Consequuntur autem liberi hoc modo legitimati omnia
Jura iustorum liberorum, cum matrimonium subsequens
purget omnia vitia antecedentia, & tempus matrimonii ad
tempus nativitatis retro trahitur, ira, ut ab initio & retro
semper legitimi esse videantur. vid. Gail. l. 2. observ. 140.
141. num. 2. Mysf. cent. 3. observ. 26. n. 9. & parentibus li-
teræ natalitiae, Dass sie Echt und Recht und aus einer Ehe-
heit gebodren / minime sint denegandæ, arg. Novell. 89.
cap. 1. hinc succedunt primo suis parentibus (2) admit-
tuntur ad honores ac dignitates, neque (3) possunt arceri
à collegiis opificum, succedunt etiam (4) non quidem
Jure feudali, 2. feud. 26. s. naturales quoniam fictionem Ju-
ris Civilis respuit, arg. 2. feud. 1. sed ex hodierna praxi
tam in bonis feudalibus quam allodialibus, Gail. us l. 1. obs.
141. num. 2. nisi in aliquo loco aliud quid sit constitutum,

uti in Ducato Bruns. & Lunæb. Wolferbytano ex Constitutione D. Henrici Julii anno 1593. d. 3. Januar. wegen Ehebruch und Hurey: Land-Tages Abschied zu Sandersheim d. anno 1601. §. Zum 31. ib. sonderlich zu Adelichen Lehn leines weges zu verstatten noch kommen zu lassen. Legitimatio demum per rescriptum Principis est, quando Imperator supplici aliquo libello rogatus, altero, vel utroque parente mortuo, jubet illos esse legitimos, fundatur hæc legitimatio in Novel. 89. c. 9. Novel. 174. c. 2. Legitimatis vero Imperator duobus modis, vel immedia-tē Ducum ac Comitum liberos, vel mediate liberos viliorum personarum per Comites Palatinos, si ipsis hanc potestatem legitimandi concessit. Carpzov. in Jurispr. for. part. 2. Conf. 6. def. 16. Est verò hæc species legitimatio-nis in subsidium introducta, ita, ut si non posset locum habere legitimatio per subsequens matrimonium, tum de-mum legitimatio per rescriptum principis valeat. Effec-tus hujus legitimationis est, quod liberi succedant suis parentibus, si scilicet ante legitimationem non adsint liberi justi, vel, licet tempore legitimationis adsint, parens tam-en hoc expresse velit & ab Imperatore impetraverit, ut una cum liberis justis succedere debeant. (2) admittuntur etiam illi liberi ad collegia opificum, honores & dignita-tes, ad successionem vero feudalem, nec Jure feudali nec universa Germaniae consuetudine admittuntur 2. feud. 26. §. naturales. Gail. l. 2. obs. 142. per tot.

XLVIII.

Tit. XI.
40.
Tres præcipue esse modos ineundæ societatis pater-næ, in præcedentibus diximus, quorum unus est naturalis tantum, secundus partim naturalis, partim civilis, adeo-que mixtus, tertius civilis tantum, Naturalis tantum, qui nuptiis originem suam debet; mixtus, partim ex naturali generatio-

generatione, partim ex legibus civilibus oritur, & est *legitimo*, & de hisce duobus haec tenus actum fuit. Sequitur jam tertius & civilis modus constituendæ societatis paternæ, qui dicitur in genere *adoptio*; eaque nihil aliud est, quam *solennis & legitima alicujus personæ in locum liberorum assumptio*. Cujus fundamentum atque origo hæc est; accidit saepius, ut quidam matrimonia detrectent, vel licet nuptias contrahant, tamen ob vitium aliquod corporis curabile haec tenus liberos non procreant, vel etiam ob senectutem ad generandam sobolem non amplius apti sint. *Quia* vero liberos ex voto eligere atque optare licet, liberos vero ex nuptiis natos sive bonæ sive malæ sint frugis retinere debemus, inde liberi adoptati Germanice dicuntur *die angenommene / angewünschte und erkörnte Kinder* / aut, licet liberos habeant, sint degeneres debiles & mala valetudine affecti, aut moriantur. Hisce itaque personis Romani, ne familiarum dignitas penuria naturalis scolis pereat, liberos adoptare permittunt. Dicitur autem in nostra descriptione *adoptio* actus legitimus, quod leges civiles eidem certas addiderint solemnitates, quæ in illa peragenda sunt necessariæ, quibus omissis, ipsa *adoptio* est nulla. Quo pertinet, quod inter præsentes nec per procuratorem fieri possit, l. 25. §. 1. ff. de *adopt.*

XLIX.

*Adoptio duplex est, in specie sic dicta, & arro-
gatio, Adoptio in specie dicta, est actus legitimus, quo filius familiæ, qui adhuc sub patris sui potestate est, adoptatur, ad quam sequentia requiruntur (1) ut filius adoptandus sit filius familiæ & præsens, nec contradicat. (2) ut adop-
tio fiat coram Magistratu. l. 3. 4. ff. de *adopt.* l. 2. ff. de offic.
procons. (3) ut hoc etiam fiat præsente patre, qui dat fili-
um*

~~litteris innotescat eis~~
um in adoptionem, & (4) eo etiam præsente, qui filium adoptat; & demum (5) actis interventientibus, h. e. ut adoptio actis inseratur. §. 8. Inst. quib. mod. jus patr. potest. solv. l. pen. & ult. C. de adopt. Arrogatio vero est actus legitimus, quo paterfamilias sive is, qui suis juris est, in alterius familiam transit, ad quam uti ex tradita definitione constat. (1) requiritur, ut persona arroganda non sit sub patria potestate sed sui juris (2) debet fieri per rescriptum Principis, non verò sufficit auctoritas Magistratus, nisi Princeps Magistratui inferiori hanc potestatem concesserit l. 6. C. de adopt: quia arrogatio res est majoris momenti, quam adoptio, dum per illam civitas quasi membrum aliquod amittit, pater enim familias & civis arrogatur, atque ex sua familia in alterius transit potestatem, & sic propriè civis non manet, sed fit filiusfamilias, cum patresfamilias tantum cives propriè existant.

L.

§. 2. Adoptio in specie sic dicta est duplex, plena & minus plena, arg. §. 8. in fin. Inst. quib. mod. patr. pot. toll. prior est, quando filiusfamilias adoptatur à suis cognatis, linea ascendens e. gr. Ayo vel Proavo, Posterior est, quando filii f Familias ab ejusmodi personis adoptantur, quæ nullo propinquitatis vinculo attingunt. Effectus adoptionis imperfectæ hic unicus est, ut liberi adoptati ab intestato possint succedere parentibus adoptivis, una cum liberis legitimis ac Jufitis. l. 10. §. 1. in fin. C. de adopt. non vero per hanc minus plenam sive imperfectam adoptionem jura patris naturalis, ut Imperator loquitur, dissolvuntur, sed filius adoptivus manet in potestate patris sui naturalis. Perfectæ adoptionis plures sunt effectus; & transfit filius adoptivus in potestatem patris adoptantis, desinique esse in potestate patris sui naturalis, cuin hic concurrat & naturalis & civilis con-

lis conjunctio , unde (1) liberi succedunt suis parentibus
adoptivis , & contra (2) Parentes adoptivi tenentur alere
liberos , illosque educare ad virtutem , paucis , quodcumque
est officium patris naturalis , idem etiam incumbit patriado-
ptivo jung . § . 8 . Inst . quib . mod . jus patr . potest . sol v . l . pen . &
ult . C . de adopt .

LI.

Quoad modum arrogationis ineundæ , disting . aut filius § . 3 .
arrogandus est pubes , aut est adhuc pupillus sive impubes ,
priori casu præter requisita jam enumerata , arrogatio fieri
debet cum causæ cognitione , in qua (1) considerandus est pa-
ter arrogans , an is sit ejus ætatis , ut sobolem procreare pos-
sit , quod si ita est , non facile est concedenda arrogatio , quia
alias procreatio sobolis impeditur , interest autem reipubl .
ut procreentur liberi , l . 15 . § . 5 . l . 17 . § . 2 . & 3 . ff . de adopt .
Deinde , si persona arrogans jam tum habeat liberos natura-
les , itidem non facile concedenda est arrogatio . In filio ar-
rogato videndum est , an sit dives , pater vero arrogans
pauper , & cum hoc casu arrogatio plerumque cedat in detri-
mentum filii , rursus illa non est concedenda , in dō etiam si pu-
beres arrogantur , curatoris consensus est necessarius l . 8 ff . de
adopt . præterea debent tutor & propinqui in arrogatione
impuberum adhiberi . dein de pater arrogans personæ publicæ
cavere , se hæreditatem pupilli arrogati restituere velle ejus
hæredibus ab intestato , si pupillus arrogatus in ætate pupil-
lari decebat . l . 18 . cum 2 . seq . ff . de adopt . l . 2 . C . eod .

LII.

Effectus arrogationis sunt (1) quod paterfamilias arro-
gatus cedat cum liberis ac omnibus bonis suis , modo non
sint jura personalia & arrogandorum personas egredi pos-
sint , in potestatem arrogatoris . l . 15 ff . de adopt . l . 40 . ff . eod . § .
11 . b . § . 1 . Inst . de requis . per arrog . ita tamen , ut Jure novo pa-
tres

tres arrogantes solum in iis usum fructum consequantur; liberi vero arrogati proprietatem retineant: iniquum enim essent, si adoptivis parentibus plus quam naturalibus in liberorum bonis acquireretur §. 2. *Inst. de acquis. per arrog.* (2) mortuo filio arrogato, pater arrogans ipsi succedit d. §. 2. *Inst. de acquis. per arrog.* modo non adsint personæ cum antecedentes, uti liberi, si quos filius arrogatus habet, vel cum eo concurrent personæ arrogatæ fratres & sorores, per d. §. 2. *in fin Inst. de acquis. per arrog. jung. Novell. 118. c. 1. §. 2.* vice versa (3) mortuo arrogatori succedit filius arrogatus l. pen. § ult. C. de adopt. quod si vero pater arrogans filium arrogatum sine justa causa exhaeredet, aut emancipet, tenetur ipsi præter bona, quæ ad patrem adoptivum transtulit, quartam partem bonorum suorum relinquere. §. 2 b. quæ vocatur quarta D. Pii arg. l. 8. §. 15. ff. *de in officios. testam.* Dissolvitur autem arrogatio per emancipationem, non aliter, quam causâ cognita.

LIII.

§. 9.

De personis, quæ possunt adoptare, ita in universum argumentari possumus. Quæcunque personæ sunt aptæ ad generandum, & adoptandum superant plena pubertate, h.e. 18. annis, illæ possunt adoptare, contra quicunque non possunt generare, nec plena pubertate, h.est octodecim annis adoptandum præcedunt, illi etiam non possunt adoptare, uti sunt castrati, nec obstat §. 9. bic l. 2. §. 1. § l. 40. §. 2 b. ubi dicitur, quod Spadones non quidem generare, adoptare tamen possint, nam respondetur ex l. 6. princip. ff. *de liberis* § postb. bæred. § ext l. 6. §. fin. § l. 7. ff. *de ædilitio editio*. aut spadones propter morbum & corporis vitium, quod auxilio medicorum exhibito, speratur adhuc sanabile, generare nequeunt, aut quia ipsis pars corporis ad generandum necessaria deest: priores adoptare possunt, posteriores non

non irēm , nec (2) minor adoptare majorēm potest , quia
adoptio naturam imitatur , jam contra naturae ordinem vi-
detur esse , ut minor tanquam imprudentior adoptare ac re-
gere debeat majorem & prudentiorem : monstro enim si-
mili , est ut major sit filius , quam pater , hinc etiam paulo an-
te dictum fuit , quod adoptans adoptato 18. annis major esse
debeat . Licet autem & in locum nepotis ac pronepotis ali-
quem adoptare , haec enim adoptio non est contra naturam ,
quod etiam extenditur ad filium alienum , quem in locum
nepotis , & vice versa nepotem in locum filii quis adoptare
potest . Pater quoque , qui jam tum filium habet , potest al-
liquem adoptare loco nepotis , non tamen tanquam ex filio
natum , nam tum filii consensus simul requiritur , ne ei invito
suus haeres agnoscatur . Quin etiam Pater adoptans potest
liberos adoptivos & arrogatos alteri in adoptionem dare ,
nam uti in plurimis aliis causis , ita etiam hoc in casu liberi
adoptivi & ex legitimo matrimonio nati , inter se invicem com-
parantur , Jure vero antiquo foeminas adoptio erat interdicta ,
cum coram Magistratus sit peragenda , coram quo foeminas
comparere , olim videbatur indecorum ; accedebat , quod
foeminæ liberos non haberent in sua potestate , & per conse-
quens adoptare non poterant . Hodie tamen in solarium
liberorum amissorum illud videtur esse permisum , ita tam-
en , ut potestatem patriam , quæ in solos patres non foemi-
nas cadit . §. 3. Inst. de hered. qual. C differ. in liberos adopta-
tos haud consequantur .

LIV.

Differunt arrogatio & adoptio (1) quod filiifamilias
adoptentur , patresfamilias arrogantur . (2) adoptio fit co-
ram quovis Magistratu competente , arrogatio vero non
nisi per ipsum Principem , vel Principis rescriptum , quod
hic sacrum oraculum appellatur . l. 2. ff. de adopt. l. 2. C. eod ,
H 2 (3) ar-

§. 5.

§. 6.

§. 7.

§. 8.

§. 10.

§. 11.



(3) arrogati filii liberi sunt in patris arrogantis potestate,
tanquam ejus nepotes, liberi vero filii adoptivi non sunt in
potestate patris adoptivi. Demum non solum liberi homi-
nes, verum etiam servi; & adeo rum similitudinem hodier-
ni Lassii à dominis adoptantur, eoque ipso libertate accipi-
unt. Licet vero servus olim à domino filius nominatus li-
ber constueretur: tamen hoc ad ius filii accipendum non
sufficit, & sic vidimus modos societatis paternæ ineundæ qui
sunt fundati in Jure Civili. Hodie mores alium adhuc
introduxerunt modum, qui dicitur *unio prolium* Germ. die
Einkindschafft / *Est nibil aliud, quam conjunctio liberorum,*
ex diversis matrimonii procreatorum cum liberis futuris &
ad huc procreandis, secundum mores & statuta singulorum lo-
corum initia. Ad illam verò constituantem sequentia re-
quiruntur (1) debent excuti bona tam mariti quam uxorius,
& si forsitan maritus sit dives, uxor vero & liberi ex priori ma-
trimonio pauperes, unio non est permittenda, quia alias ver-
geret in detrimentum liberorum mariti (2) hac bonorum
excussione facta, debet Magistratus cognoscere, utrum hoc
sit ère liberorum uniendorum nec ne, (3) illa causæ cogni-
tio debet fieri, si liberi uniendi sunt impuberes, in præsentia
tutorum, si vero puberes existunt, in præsentia curatorum
& cognatorum, & quidem coram Magistratu competente.
(4) demum *unio facta actis inserenda est.* Gaiius l. 2. obs. 125.
Jac. Ricc. de *unione prol.* c. 6. § 9. Meichs. tom. 4. decij. 6. fol. 55.

LV.

Absolutis modis societatis paternæ ineundæ, videndum
quomodo liberi è patria potestate dimittantur. Et Jure na-
turali dissolvitur societas paterna, quando liberi pervene-
runt ad illam ætatem, ut semet ipsos regere, sibique de ne-
cessariis vitae alimentis prospicere possint. Finis enim pa-
triæ potestatis hie est, ut liberi recto rationis usu destituti-
tam

tam diu à suis parentibus edacentur, donec se se ipsos regere, sibique necessariae vitæ alimenta parare possint, quo fine sublato, tollitur ipsa patria potestas. Jure Civili (1) dissolvitur societas paterna morte naturali tam liberorum quam patrum. Quod si tamen avus moriatur & filium ac nepotem simul relinquat, tum nepos non aliter sit sui Juris, quam si tempore mortis avi pater ejus vel fuerit mortuus, vel emancipatus. Quod si vero ejus pater, cum avus moriatur, adhuc in avi potestate existit, nepos in sui patris potestatem recidit. Nec solum mors naturalis, sed etiam (2) civilis tollit patriam potestatem. Moritur vero quis civili per deportationem, quæ nihil aliud est, quam, quando aliquis ob grave aliquod delictum jubetur urbe Roma exire & in certa insula, vel alio quodam loco ita vivere, ut ipsi inde egredi non licet. l. 8. princ. ff. de interd. & releg. Huic deportationi hodie simile est bannum, quod est duplex vel universale totius Imperii, die Reichsacht vel particulare aliquius status Imperii. Webner. in vocab. Acht. Bann. Bannum universale est, quando quis ex universo Imperio vel propter violationem fractæ pacis publicæ, aliudve crimen flagrans ejicitur vid Jacob. Blum. Process. Camer. tit. 29. §. 88. ubi cauſæ, ob quas bannum Imperiale imponitur, recensitæ extant. Verum ob contumaciam hodie poena banni Imperialis non amplius locum habet R. A. de anno 1654. §. 36. in verb. Jedoch mit hinfüriger Aufhebung der bisherigen gebräuchlichen zweyten Wezen / entweder auf die poen der Acht Nemovero nisi solus Imperator vel Camera Imperialis hanc banni universalis poenam dictare potest, & effectus ejus est, ut tam bona, quam corpus banniti des Reichs Aedter impune offendit, nec quisquam ejusmodi bannitum hospitio exciperet, aut in clientelam recipere possit. Ord. Cameral. parte 2. tit. 9. §. So jemand.

LVI.

Bannum particulare sive speciale est, quod delinquenti ab inferioribus Principibus & Statibus Imperii ob crimen commissum irrogatur, nec ultra eorum territoria extenditur. Ejusmodi vero Bannitus non statim licet potest interfici, sed si apprehenditur, tradendus est competenti Magistratui, & ab illo puniendus Brun-
nem. in proc. inquisit. c. 8, num. 4. Quamvis vero relegatio non vide-
atur absimilis deportationi, tamen ea non solvit patria potestas,
quia caput civitatis non adimit, atque adeo non est modus amitten-
di juris civitatis. l. 4. & 14. §. 1. ff. de interdit. & relegat. Hinc sive
pater s. filius relegetur, patria potestas nihilominus salva ac integra
manet. Quivis tamen relegatus, dolose revertens contra juramen-
tum, quo se non redditum promisit, weil er die geschworne Uhr-

*§. 4. 1. Si in patet abscissione / Phede gebrochen / prima vice abscissione digitorum, secunda fustigatio-
ne, ac tertia ob contumaciam insignem & perjurium tertio reite-
ratoe fustigatio- / ratum, gladii poena plectitur P. H. G. O. Carol. V. art. 108. Ter-
tius tollendae patriæ potestatis modus olim erat servitus poena, in
quam incidebat quilibet ad poenam capitalem condemnatus, quæ
tamen ab imperatore Justiniano sublata est Novell. 22. c. 8. quemadmo-
dum etiam damnatio ad bestias ob atrocitatem & ad metallum ho-
diè ab usu recessit, verum servis poenæ hodiè ex parte adhuc similes
sunt, qui ad perpetuum carcerem, vel ad opus publicum, vel in ergastulum, vel ad remos condemnantur, Carpz. praxi Crim. quest. 129.
num. 41. 42. Dignitas patriciatus (4) itidem erat modus finiendi pa-
triā potestatem; & ejusmodi officium, quo funguntur hodie Con-
siliarii Imperatoris, Electorum, Principum, & reliquorum statuum
Imperi; Cum enim Imperator & Principes his personis totam com-
mittunt remp. gubernandam, non immerito tanta quoque præsu-
muntur prudentia instructi, ut sese ipsos regere possint, adeoque
patria potestate eximendi sint. Ex eadem ratione videtur dicen-
dum esse, gradum doctoralem tollere patriam potestatem, sed ni-
hilominus id negatur, quia hic modus nullibi in Jure Civili est fun-
datus. Accedit quod militia armata neminem à patria potestate libe-
ret §. 4. b l. si maritus 7. C. de patria pot. Cum tamen milites armati majo-
ra habeant privilegia, quam milites fogati §. ult. Inſt. de test. ml. & ab*

una

una militia ad alteram convénienter inferatur. Everhard. à Mid-
delburg in loco à militia armat: milit.

LVII.

Capitivitas (5) olim erat modus tollendæ patriæ potestatis, §. 5.
modo pater in captivitate moreretur, quia siebat servus hostium,
& sic civiliter moriebatur, adeoque L. Cornelia fingebar, quasi
primo captivitatis momento naturaliter deceperet, & sic filius ex
eo statim tempore sui juris fuisset factus. Quod si vero à captivitate
liberaretur, omnia pristina Jura pater recipiebat, & propter Jus
postlimii nunquam in servitute fuisse fingebar. Tamdiu igitur
Jus liberorum & patria potestas, donec vel de morte, vel de libera-
tione captivi patris constaret, pendebat, & in suspenso erat. Verum
quia inter Christianos ejusmodi captivitates ferme exoleverunt,
oleum & operam perderemus, si antiquo huic finienda patriæ
potestatis modo diutius immoraremur. Is tamen modus (6) hodie
non est abrogatus, qui dicitur *Emancipatio*. Siebat quidem olim per
tres imaginarias tum venditiones tum manumissiones, verum hisce
ambagibus amputatis, Justinianus constituit, ut parentes solum
competentem Magistratum audirent, & in illius praesentia liberos
à sua manu dimitterent, imò hanc emancipandi potestatem Imper-
ator hodie Comitibus Palatinis interdum concedere solet. *Johann.*
Philipp. ad b. tit. Inst. Eccl. 76. num. 6. Effectus ejusmodi Emanci-
pationis olim erat, quod primo pater in liberos emancipatos eadem
jura consequeretur, quæ patronus in libertum habebat, (2) quod
si Impuberes emanciparentur, pater fieret eorum tutor §. 6. b. in fin.
Avus porro potest filium emancipare, & nepotem in sua potesta-
te retinere, vel viceversa nepotem emancipare, & filium retinere
in potestate, vel utrumque tam filium quam nepotem emancipare.

LVIII.

Ultimus demum modus solvendæ patriæ potestatis est [7]
Adoptio & quidem respectu patris, qui filium suum alteri dat ado-
ptandum, nam ex illius potestate transit in potestatem patris ado-
ptivi, non vero ratione patris adoptivi, cum ad eum respectu ha-
bito sit modus constituendæ patriæ potestatis. tot. tit. Inst. ff. & C.
de adopt. Quod si vero avo ex nuru nepos nascitur, videndum est §. 9.
utrum

utrum nurus concepit nepotem, dum filius adhuc existeret in patria potestate, an vero ubi fuit emancipatus, priori casu nepos in avi, posteriori verò in sui patris potestate existit. Demum Jure civili neque naturales neque adoptivi liberi parentes cogere poterant ad eos potestate sua dimittendos, sed erat hoc in mero parentum arbitrio positum.

§. 10.

LIX.

Hodie iidem fermè modi ac olim dissolvendæ patriæ potestatis obtinent, nam (1) est mors tam parentum quam liberorum naturalis (2) mors civilis, uti est bannum Imperii, die Reichs Acht (3) dignitas Consilariatus, (4) emancipatio, (5) adoptio (6) quando liberi separatam familiam à suis parentibus habere incipiunt. Nuptiæ verò neq; Jure civili neq; hodierno solvunt potesta em patriam, nisi liberi nupti separatam familiam instituant *Richt. dec. 8 num. 72. Bruck. consil. 1. num. 13. & consil. 34. num. 96. fol. 1.* nisi quod Filiæ Jure Saxonico pér nuptias è patria potestate exeant, & in mariti transfeant potestatem, etiamsi illæ adhuc ædibus & mensa patris fruan- tur. Landrecht l. 3. art. 45. verb. der Mann ist auch & lib. 1. art. 31. ibi sie sondern sich mit der Rößt oder nicht *Dn. Richter. decis. 76. n. 37.* Quin etiam separationem bonorum vel in judicio, vel extra judicia- liter inter liberos majores factam, sive sint masculi sive foeminae, in Jure Saxonico effectum emancipationis sortiri, Doctores volunt, & vocantur ejusmodi liberi abgesonderte Kinder vid. *Dn. Hahn. ad tit. ff. de adopt. num 7. ad verba quanquam hoc recipimus magis. & sic etiam de societate Paterna pro nostro instituto satis dictum, eoque Divino Numine auxiliante secundæ exercitationi finis sit impositus.*

F I N I S.



154770

AB 154770



V317

R



B.I.G.

3/Color
Black
White

Magenta

Red


Yellow

Green

Cyan

Blue

Farbkarte #13



ENDA
STITUTIONUM
TATIO
E

ATIBUS
ONJUGALI

ERNA

A M
ENTE GRATIA

ESIDIO

PLISSIMI. ATOVE
IMMI VIRI

NGELBRECHTI

ibl. Ordin. ut & Facul-
estabilis Decani Præ-
m devenerandi.

tioni submitte

MAJORI

AUGUSTI

DOLPHUS LUNING
bytanus.

STADII,
IS MULLERI Acad. Typ.
XXIX.